

六



谷口山房詩集卷之二十七

留滯三集

竟陵代事未清自乙丑二月辭蜀撫韓公幕仍下楚中三月抵江陵四月至長

陵五月入安陸六月下武昌避暑譙樓十月楚撫石中丞辟入幕辭病不赴移居漢口十一月楚泛江東下凡得詩二十五首

涇陽李念慈劬菴甫著

荆郡

荆郡重來迥異初分城過半禁兵居高樓翼瓦飼營
馬茅屋窟檐架水豬亂世有家猶是累此身何事可
留餘風塵變換看成厭好自耕巖學釣魚

詠畫上方黑犬

上方烏龍猛且馴風微瑤草鳴
信信長楊從獵神倍
王馳如鳥翥飛片雲蒼鷹旋折未得下銀鞍已帶東
郭晚餘勇歸來不自異細喘安眠碧草茵良工慘澹
貌形似姝姿却來絹上蹲眉際竊毛雙宿白望若四
目驚衆賓我聞 聖主戒盤畋但從蒐狩助明禋參
成猛士亦如此安定多方衛四鄰只今三窟盡伏莽
月明無吠恬花村爾曹飽肉皆 帝力論功莫說發
縱人野老披圖心感激願詠盧令頌至仁

荆南值陶季深言懷

昔別儼目前涼風曲陽道世難孔亟中論文結幽好
回首十二年相見各衰老丈夫不得志意氣甘潦倒
蜀山積巒岼楚江淡浩漉風波與險巖幽臥胡不蚤
兵戈雖已休人情日智巧鬱懷練時俗憂思方雲擾
烟霜凋松桂嶽峯惜驥裏買山那可期日月疾飛鳥
努力固窮節歸根辭小草

題扇上畫石

袖裏出雲根磊砢而奇古濁酒未澆時胃中有如許

題畫閒看兒童捉柳花

春暖楊花散白綿
兒童撲捉戲窗邊
窗中閒覩休驚覺
一片天機在目前

荆南借寓唐伯顧
明府書舍值主人
他出畱贈宅西書
屋遠囂塵借我停
居歷二旬豈謂軍
城還得此俱從官
罷轉相親舟中藥
裏晴頰曬世外朋
儕過不嗔獨恨主
人行未返何緣把
酒話沈淪

胡西表招飲西園閣上

高樓臨北堞
遶郭見湖光
竹樹清陰外
雲霄倚嘯傍

主人初折東客子戀飛觴
便欲移行館時聞荷芰香

其二

京山橫百里隱約秀諸峯
晴日憑欄得浮雲入望重
城中茲勝地塵外愜幽蹤
坐盡濠梁興無勞曳短筇
題王咸中石鳴山房

鈍翁吾益友出處兩相失
暮齒急聞道疑義誰與晰
王子生同里志學秉毅率
少壯厭紛華避喧如棄疾
巖谿蚤結隣棲遲共衡泌
石鳴晚停雲堯峯朝上日
松竹延清賞地偏心自逸
遠遊亦偶然幽好無回遏

我亦癖林泉飢驅莫自詰應接損心神干求畏緇涅
買山眇難期索居念契濶會當辭家累獨行從所悅
結茅差易就隙地倘可乞布素夙能甘講易送白髮
乙丑七夕同彭飛雲顧黃公蔣玉淵游雲子小

集武昌滋陽橋納涼

天漢方填鵲河梁俯碧流壺觴集南北文雅共敖游
有意隨雲水無心候女牛醉歸譙漏動明月在高樓

其二

取適吾徒在盍簪意興長晚香散荷芰塵夢洗滄浪

倘許仍高會還來駕小航明朝梧葉下江漢日清涼
武昌贈楊退菴遺老

樹藝何心老此鄉種瓜猶傍故宮墻草玄尚白憑人
論落豈成莢重獨傷管測星躔明玉曆鼎烹日月變
金霜兒童肄雅圖橋去好向深山自牧羊

中秋夜胥怡菴王咸中各攜少具過譙樓翫月
卽事

桂月明江漢譙樓俯一城層霄秋霧斂高宇蚤涼生
上客來聯壁清談盡二更澹然成薄醉不覺有逢迎

其二

北斗挂樓西汀沙插漢低練江城外見丹檻月中齊
杖履無期會有疏隨意攜急觴酬令節足可慰羈棲
十六夜同彭飛雲顧黃公蔣馭鹿顧幼鐵黃小
重王咸中各攜少具雅集黃鶴樓待月卽事
仙人樓閣壓城門攜具同登縱笑言楚北山川連玉
壘漢陽櫓堞對金罇陰輕暗月烘雲白夜靜寒江觸
石喧又過天涯端正節頽翎警露欲飛鱗

十七夜王咸中邀過潭上行館同諸子偶集看

月

桂隱華應實輪虧仄未傾出雲已騰上照水共虛明
茂宰供瑤席仙人吹玉笙偏容踈放客脫帽對公榮
嵇漪園自梁溪赴滇幕過鄂相訪

病中忽報故人來喜極相逢意轉哀華髮乍驚同點
雪萍踪偶值此登臺悲歡身事秋雲變遲暮生涯曉
漏催黽勉南征天萬里嫁衣空老出羣才

九月四日武昌譙樓見月

新月挂高楹江天獨客情半彎蓮瓣仄一抹遠山明

尚白文何有還丹計未成露華滿叢菊愁映鬢邊莖
乙丑九日諸君約集黃鶴樓以病後怯步不得
與讌獨上譙樓眺望卽事還呈諸君

崇臺高攬白蘋洲遙見洪波接漢流荒逕夢歸秦塞
遠仙人鶴去楚天秋羣公競摘花盈把病客惟應帽
戀頭久臥麗譙原百尺不須重上倚江樓

題畫爲潘介丘

樹杪過雲斷沙頭上水明幽人不可見巖屋隱秋聲
石逕幾時度板橋終日橫怡神隨坐臥足慰買山情

期到仁熟弟山居病痾不果仁熟屢來相視感

贈卽別之江南

臥病虛前約相存見汝賢深情輕道路款語慰纏綿
舊宅聞佳勝他時刺舸船九真山色好終落酒杯前

其二

離居別秦楚一本自相求清白存家世貧窮遠悔尤
雲垂西日暮楓落大江秋多病孤舟裏飄飄何所投

其三

妻子寧吾繫故鄉丘壟存依棲豈常計平世戴君恩

霜露淒多感松楸樹未蕃耕田肅時祀安穩羨諸昆
碩年兄小像

河華祖崑崙蟠根此本始兄家世榆關蟬聯復鵲起
具足文武資遭時亂無底仗策走江南誓欲正天紀
熊軾按蒼梧龍節建楊子經邦與戡亂小試皆上理
嗟哉大廈傾一木焉能抵回首五十年事去如流水
垂老任播遷壯心猶未已良工貌形似骨相見雄偉
烏帽及綠沉遺之等敝屣披拂柳下風茶鐺共書几
寧知壘塊胸五嶽中撐拒兒孫長他鄉生理甘江
行俯清漢流愀然懷故里寓居况蕭然茅檐蔓葛藟
青門種瓜人高風差可擬

游雲子爲寫倚松面瀑小像成自題卽呈雲子
咄哉斯類翁碌碌行無似誤趨名利場奔迫近三紀
性拙宦坎坷資鈍學舛鄙德業一無成詩文小道耳
微名辭始安過情聲猶耻華髮困江湖生涯甘轉徙
勉學苦善忘乞食傷負米應接損餘年幽憂滋內痞
多病促尋山誰能顧妻子衰容老益瘁麻面醜莫比
山根舊左傾霜髭掩厚哆眼眊少精光面皺多文理

常恐死他鄉兒童費摹擬憑君丹青手寫向山巖底
如何將陋姿點染爲增美壯色過沃丹清瞳溢寒水
取肖惟神骨粉赭寧爲累隱約筆墨外攬鏡呼欲起
野服立逍遙喬木倦依倚澗水與松風聲合虛無裏
儼然丘壑中可以休暮齒他日結茅廬所願惟得此
餐霞返華顏爲君副筆泚

題四照和尚畫冊

四野無人客興孤雨來烟樹半模糊便將戴笠騎驢
去溪上茅堂到得無

其二

茅屋踈林拙養宜風波卻犯欲何之纔離村岸無多
路已是輕舟下瀨時

此集宜在
二十七卷

谷口山房詩集卷之二十八

蜀道集

康熙二十三年甲子正月為蜀撫韓公辟
從幕府初九日自家適會城相就同行由

棧閣以二月抵成都乙丑二月辭幕由夔門江
行下楚三月抵荊州凡得古近體詩共一百八
十三首

涇陽李念慈劬菴甫著

出門

出門十八年歸來未經時胡然復遠行踉蹌遂爾為
一身從他人此行豈有期一朝事勢會促迫遂及茲
所幸襄事畢庶免鄉里嗤室廬半頽壞百緒等亂絲

谷口山房詩集
草草七旬中奚暇整理之蜀道多艱險正月水未澌
下有不測淵上有濁水泥我馬方疲瘦何以登欹危
貧窶急生事輕身敢自悲但願世難平歛薄甦瘡痍
布列皆廉吏穀帛民得私甘貧井里間老死不相離

寶雞縣遇雪

山城危棧口陳寶傳自昔霸王跡已湮川原莽蕭瑟
征邁非我期寒天事遠適陟險甫茲始雨雪忽委積
疾風號枯桑長冰沒半磧投寓苟容身不敢辭逼窄
土莖炊竈間行李堆狼藉况聞踐更兵漢源方振策

所過雞犬空村店皆辟易商旅久斷絕烟火何由覓
餅餌自裹帶足馬繫革舄徒侶各治裝人語亂終夕
我生亦有涯何事苦行役

雪行八山

肩雪登寒山雪深沒行路馬驚不敢前挺耳屢窘步
迴風眯兩目轉高眩反顧卑視踵前踪傳聲應後呼
凍溪暗冰藏覆塊枯楂互征徒雜笑哭履坎迭顛仆
游升煎茶坪雲白天微曙伊誰具鐙椀佳名至今著
卻下俯峻坂崇卑同一素有時被滑溜尋丈不得住

村迴烟火絕饑渴困馳騫既宿促煮餐山昏日已暮
早發黃牛舖

山陰衆星隱早征霜氣寒路出蒼崖半蟻附緣曲蟠
前徒忽不進住止各隨肩相問不得故層遞人語繁
下馬倚鞍立歎火巖石間百里人烟絕日午不得餐
空村餘井竈釜甑無一存或觸過兵怒室廬盡燒燔
民生遭亂世有土不得安王網格莫行天下日艱難

雞頭關

牽馬上側礪轉折緣山腰崖闕危棧補鑿石梯構牢

石時歷朽塌傾仄魂悸搖紆迴盡幽險忽出凌青霄
洩雲起足底日車儼可招礧砑下齒立清江中怒號
質材何處兒散筏放棄濤長鈎引石鐸夜宿虎豹交
朱門一屋焉知若輩勞况聞採木使所至增煩騷
搜求至荒遠令急如風颺轉運費無紀何以達中
朝兵罷役復興民生日蕭條

褒城

峽行隘瞻眺今朝天宇廓前行出褒谷平地見城郭
屢壞縱散蹄人馬一時樂曠野良田疇方春動耕作

漢源氣候早杏花開欲落村村酒旗招逸興夙所託
源泉滋粳稻西成歲不惡丙穴魚味佳春林笋戴籜
梅子夏甘熟桂華秋沃若地僻官政簡民淳俗渾噩
我欲問茅屋墾田雜土著應無虞虎豹亦未遠雲壑
前途有舊知交契况非薄何必隨戎旃捫參歷井絡
黃沙鎮訪馬幼于不佞

村鎮經沔北驅馬問故人故人行未返尋訪登其門
子弟爭挽拽引入升廳軒夫人吾里女一出三十年
熟識等嫂叔自前相寒温鄉語盡改易兩鬢垂皤然

割鮮炊白粲留我飽朝餐爲問昔同輩強半皆不存
懷中小弱息生子復抱孫人生異金石誰能保朝昏
今此一相見後過難重論嘆息上馬去心悲不能言

七盤關

七盤山色佳陡絕兼背向據險惜前謀闢塗懷始創
人經度鳥邊路出霾雲上衰老走荒隅回頭一惻愴

飛仙嶺

危棧轉山腹飛閣被崇巒旭日斜高照簷楹沃且丹
微逕循石脊曲折如蟲緣我行隨他人不得窮躋攀

谷口山房詩集
憶昔出函谷方春捫嶽蓮繫屐玉女峯酌酒天池邊
西顧雪嶺白東望滄溟寬萬里在笏臆夜宿青雲端
胡爲年齒暮反遭俗累牽妻子亦何人驅我數往還
逝歸斲黃精一食生羽翰

盡日

盡日馳崖谷晨星復暮陰嚴程窮晷刻瘦馬怯登臨
險奪看山眼勞休閱世心征徒半罷病豈爲拯焚沈

廣元

江水通涪萬雲山到廣元荒城多藝麥殘堞久無門

艱險 王師入謀謨勇畧存搗虛成楚捷功大竟誰
論

二郎山

城頭漏未盡征徒已早行我亦牽馬出躡躅望前旌
數武不相見焉知路欹平錦屏暗未識嘉江昧濁清
前登二郎山十里天未明疲馬鐵裹足蹴踏石火生
草深畏虎伏樹動知鳥驚顛墜與吞噬倘來豈有形
動止匪自由試身良已輕

垂老

垂老厭風塵征途閱苦辛
村稀惟見戍山冷不知春
躍馬仍歸漢迎牛自啟秦
亂離多反覆愁殺白頭人
成都院中夜坐納涼

酷陽重煩鬱晚涼氣始蕪
故牖納輕風喜見蕉葉舒
畏熱屏燈燭默坐意有餘
明月自東來照我窻中書
居室雖偏側後壁闢門樞
亭午依北戶及夕就南隅
因應終日內跬步涼燠殊
任運盡若此焉往不自如
成都送趙毓蜚進士由重夔
下湖南轉浙赴京

謁選

歷仕不得意辭官返舊廬
豈敢薄世榮聊用存區區
世緣迫我出依人走蜀都
幸有同心友話言散憂虞
時清急賢俊催爾下重湖
此行展夙蘊牧民有良圖
雙鳧入帝鄉騁驥凌雲衢
高江送飛舸雲山迎坐隅
鼓楫發清興時還念羈孤
抑情練時俗垂老志不舒
相對少知音何以慰索居
惟有牕前蕉搖曳綠扶踈
人事異欣厭世路多崎嶇
會亦乘長風早晚下荆巫

再送毓蜚

君行六月中何日到江東
峽路無炎暑高江勝便風
遠歸兒女戀久客裹囊空
莫忘同燈燭音書望北鴻

錦城早秋

盛暑金猶伏清商律暗移
衰年驚節序獨客倍憂思
徭重農桑困絲空杼柚悲
青衣誰復教恐失搗衣時

芭蕉

羅文翠袖踰躑長碧綃
細卷出中央研箋斜界曳
縹緗庶旄仙旆凌風翔
隔窻秋雨滴琳瑯譙漏無
聲枕簟涼羈客不眠鄉夢
斷濕蛩徹曉敲悽傷

成都哭高陽相公李夫子二首

劍南忽報台星坼挹淚何
當把斗杓河嶽英靈還沔
穆調和德業在雲霄兩朝
鼎鉉猶中正四海春歌并
寂寥二十七年經國盡祇
看含惻遍漁樵

其二

迂直孤思三十年引朝猶
記聖人前飛花一散迷
茵席抱璞重來祇播遷謨
誥文傳薪未續賤貧身在
世誰憐泰山頽矣吾安仰
矢報惟應向九泉

成都懷劉推菴太守里中

苦憶平陽前太守家居詩酒興能長當筵花月皆成
賦遶膝兒孫互進觴杜爵李豪期共勉蜀山秦樹遙
相望何時卻續童遊樂痛飲狂歌纍百塲

芭蕉

窻下芭蕉到日移秋風搖颺出踈籬每憐心弱同余
卷獨愛陰清向客垂聽雨竟空尋鹿幻裁箋已恨學
書遲紛紜世態何多變對爾無情兩不疑

雷雨

雷雨驚殘夢微涼透薄衾秋蟲何意緒曉夜有哀音

不返長征客難爲久別心曠乾連郡邑轉思一開襟

新月

奩啟微窺鏡弧張未上弦斜連銀漢起曲映玉繩偏
未卜刀頭日空瞻劍外天故園有思婦莫掛綠窻前

移菊嘆

種花人去菊叢遺移取窻前葉盡垂顛顛豈因懷故
土凋傷應亦厭藩籬風霜尙許存餘傲蕭艾何堪奪
壤滋今日民生渾似汝問誰雨露灑茅茨

望眼

藉甚看山興，依人祇自羈。至今虛望眼，不得到峩眉。
何日乘雲霧，凌空奮羽儀。萬峯隨駐足，回首笑軒墀。
八月九夜成都院中同沈漢儀對酌看月有感
弦月出忽高，天宇生虛白。流光下短簷，入窻明半席。
局蹙雖鬱煩，幸有同心客。濁酒相對酌，聊以樂今夕。
闌棘在近隣，吹角聞東壁。嘔心及茲宵，辛苦念疇昔。
釋褐亦偶然，矮屋遭羈勒。幼學壯未行，直尋畏枉尺。
大哉鰲俊典，屢升復親策。方其得一士，豈異獲拱壁。
柰何布有位，繩束惟常格。履塊一顛蹶，棄之等瓦礫。

雖有狝霄姿，何由奮羽翮。歎息負所生，低頭安阜櫪。

詠蕉心

纔抽鼠尾引，絲黃數日風。吹若箇長斜，卷輕綃向蘿。
月翠旗簇擁，綠沈鎗。

成都中秋夜與沈漢儀對飲

歸城明月對愁思，濁酒無歡強共持。萬里俱爲貧賤
累，百年空照鬢毛衰。高天每見霾雲迴，故國何緣離
畢遲。時余鄉烏鵲未應歸，定止流黃機杼不勝悲。

成都看月三首

萬里巴渝月團圓向客明不愁千嶂隔終傍九霄行
華髮羞金鏡清輝想玉城峨眉看有異何日脫鞶纓

其二

攀桂真成幻凌雲已後時有懷愁宋玉無宴待元規
機杼流黃怨關山鼓角悲年年照孤影空負食鱸期

其三

令節悲年逝繁陰感道窮天高西顧塞雲盡北來風
草露看俱白煙霄望更空琵琶曲方奏珠落玉盤中

秋日雜感

涼風來西北卉木日夜凋客心同搖落黯然魂內銷
幽憂生無端有若春田茅苴棚未除架絡緯鳴騷騷
撼之不得止轉益心煩囂飛鴻自何來過我聲悲號
顧視逝已遠冥冥天雲高

其二

袂衣漸可御不受蟲蠹欺嚼噬不及骨焉用打撲爲
忘身營嗜欲人情亦如之孤鶴唳九臯凌空刷羽儀
飛蠅豈得及曠然脫樊羈至人損其情與物同忘機
秋日成都送潘升也歸維揚

蜀道盤迴出萬山高秋鞍馬白雲間征途倘憶西川
客好看重巖細菊斑

客病

客病那曾睡秋蟲夜語繁有涯生已命無懼我何言
德業過時悔文章後代論瘡餘還自責不敢計兒孫

原病

吾生稟陰陽浮者爲清氣道義積所生直養塞天地
一朝遇拂逆橫行乃騰沸觸迂心君翻五臟皆易位
化彼清虛資轉爲烈焰熾食飲不養榮炙燎毒腸胃

清濁匪異物順逆分亂治我老惟求安苦遭貧責累
鞍馬雨雪中艱難到劍外枉道事多端鬱鬱乖本志
晝作夜或思枕上潛擲淚抑遏過長夏濕熱兼勞勤
高秋病內發十日眠餐廢今者雖已瘥老面增顛顛
卻思古至人冲懷絕忿戾而我胡自戕得非顛狂醉
平情旣不能浩然想遺世

芭蕉

芭蕉初移時其顛與我平錯植籬內外預擬掩映青
護持兼灌溉當暑未敢寧遞抽漸以高及茲覩長成

名口山房詩集
外者出籬上內者拂簷楹帶雨逞沃若因風搖娉婷
病中開我牕相對豁煩情雖非歲寒姿亦異朝槿榮
忽忽秋已暮所愁霜雪零

九月十一夜病中強起看月

病間去軀骸弱似綿呼童扶起坐窗前蜀天稀見全
晴日秋月重看未死年已有蛩吟供鼓吹更教蟾影
送嬋娟清虛畧與人間別霄漢何時返謫仙

贈醫者

蜀醫罷採藥暫過成都肆懸壺東城隈清江照踈卉
一七起我痾二豎皆奔躐更欲從君遊虛心餌初氣
答羅弘載自河東寄懷之作

峩峩中條山湯湯黃河流灑氣鬱磅礴君行淹此留
雄圖當健筆壯懷攄遠遊寄我見懷作高朗凌滄洲
伏枕啟素緘展讀豁窮愁蜀山高萬疊道路中阻修
東望函谷關浚秋紫翠浮聞君來有日使我積病瘳
何當駕日車飛墮錦江頭磊落談今古質論窮討蒐
俯仰衡身世庶以平怨尤

十月五日錦城聞鴈

蜀天稀見鴈行來曉起初聞旅思催十月霜林小搖
落千山猿峽共悲哀音書抵壁空勞望矰繳連雲豈
浪猜此日巴渝稻梁盡衡陽總阻莫重回

甲子長至日成都院中

錦城陰重曉寒增鼓角喧闐惱夙興人事知難回剥
盡天時且喜得陽升常愁倚酒偏遭禁困學攤書尙
未能老病那能棲幕府謀生酬遇兩何憑

逮兒生家書到蜀

兒舉過彌月家書到蜀門化成天地德長養帝王恩

且喜生如達何妨蠢勝豚祇傷不見祖飴美慰朝昏

劇病

劇病休眠食支牀閱晦明聞吹知漏下聽礮卜天晴
藥裹行多積妻孥遠不驚何當將老骨生送返柴荆

冬暄

蜀國冬暄屢霜林葉始稀天晴乾鵲喜日暖凍蠅飛
荏苒將除歲蹉跎未息機依人裘盡敝且得省添衣

成都冬日雜興四首

聖主勤民切巡遊豈待春蠲除歡率土補助首東人

輜載供儲 御 行宮禮舊臣 時 上東巡至

召見賜茶 欵接備禮 可憐先餓餒 時充東歲饑 民多餓死 不見 翠華新

其二

過岱稱殷禮燔柴異矯誣 鸞旂轉吳會 龍舸下

江都觀海知軍計臨河覽漕輸太平多做戒水旱動

交呼

其三 時 太和殿大工將鳩諸省查楠杉材 木報齊部議照湖南例令各官蠲運

宣政宜更煥江湖送棟梁多方貢材產百職效輸將

部使軺車急 各省俱差 部員督運 遐陬道路長武功新奏樂匠

石有輝光

其四

生事嗟何賴時幾未得安斗箕空杼柚星留罷漁竿

歲月冬陰疾人情蜀道難幕遊寧久計年力祇衰殘

晴二首

病客喜天晴牀間射影明却眠還展卷炮藥屢看鐙

迂拙存吾道艱難送此生兒童漸長大好理入山簾

其二

漸喜能辭酒難忘是作詩妻孥猶繫累心性日荒萎

身世無時了情緣總自爲會須謝塵境寂寞守茅茨
冬日見蠅漫成

蜀天冬異候當食見蒼蠅化育無良惡營爲別愛憎
全生寒不蟄逐臭爾猶能未忍乘危困人間撲豈勝

瓶中臘梅

是花獨占臘瓶注數枝黃但使同清冷寧辭屢折傷
幕深孤照影帷暖倍生香莫漫矜繁杏榮華在日旁

其二

冬芳出淡院已恨折來遲不是偶分得開殘人豈知

何時霜重外獨把歲寒枝徒映眉間色言歸未有期

蜀道

蜀道青天上鄉心白屋邊羶腥憎不飽畦圃種何緣
防鷲思綢戶觀魚未把筌虛名終是累詩卷擬全捐

臘月五日

季冬五日錦江頭節物關心憶故丘妻子朝應熬豆
粥老翁口分也須畱

蜀州竹枝詞

西川天府古傳聞亂後荒涼但野雲盡日行來煙火

絕中途賣食是塘軍

其二

山隈水澁少田疇隴畔猶存枳棘稠原野盡爲狐兔
宅城中禾麥轉油油

其三

戍卒徭夫與市坊秦人十分九人彊看山知己過雲
棧聽語猶疑在故鄉

其四

到來州邑盡頽垣土掩單扉偶半存呀缺通人隨處

迥無勞啟閉用監門

其五

斫畚健婦涉春澗跣足開襟髮似繁見客迎門還斂
拜謂人猶作女郎看

其六

迎牛蜀主傳開峽躍馬公孫亦築城爭似青衣躬自
教蠶桑萬古瞻民生

其七

塩井開山僅一圍神工鬼鑿見應稀煎鍋報課三年

例汲滷垂筒百丈機

其八

神炎火井利何饒炊食煎鹽照黑宵近戶未嘗識薪
燭竹筒歲用不曾燒

其九

山井幽深產石油能然陰火泛江流貧家忍臭明長
夜軍寨儲膏蕪敵舟

其十

十畝蕪田一報官當去年租賦及春完蜀民不苦常

供稅外派多如野簇攢

其十一

站倒民逃事可傷衝途力役更難當山中大有居人
在歛助金錢飽吏囊

其十二

土司印紙世相傳尾大堪憂自昔年賸有黃金排密
闖吞隣專利肆驕虔

其十三

錦扇當年竝絕倫金錘綵錯獻楓宸人亡法失泉刀

谷口山房詩集
紕潞紆青陽薦上賓

其十四

宮槿由來療癰宜亂餘根委總無遺都人猶自徵多
餉剥盡江頭野樹皮

其十五

側生附子本烏頭壯火回陽力最優一自彰明歸併
後至今檄取累綿州

其十六

榮雅山連內外黃菊心雞爪氣清涼達官使客爭求

索涌值翻令過別鄉

其十七

諸葛勲名盛此鄉土人報賽比城隍當年盡瘁酬三
顧那計千秋俎豆長

其十八

百花潭水少城西斷梗荒烟一望迷爲問草堂杜工
部無人知道浣花溪

其十九

路旁司馬有題橋欲貴辭貧逞學饒爭解德言誰本

未開邊勸禪動煩囂

其二十

錦江染紙比霞天此日難求玉版堅
蕉葉堪書寧耐久無由却覓薛濤箋

其二十一

朱泥鴛瓦儼猶存貢院全因蜀府垣
竊據相沿迷等級土人只喚正陽門

其二十二

涪州鮮荔豔芙蓉閩粵相形此不如今日
諸方無遠

貢止教江左進鱗魚

友人書至自景陵聞吳晞齋孝廉譚灌村侍講
先後俱亡志傷因念邑中諸老友遂連及之
不復忌存歿相蒙也

孝廉貧讀五車書太史耽幽厭石渠豈謂一時同下
世遂教三溼感過廬典型吾道傷凋謝文雅斯人忍
墓墟他日竟陵總重到與誰還往共盤蔬

其二

能詩鹿柴

譚籍友夏先生次子

老風流書法還看小宋

戴祁優茂才

巾水醇醪應臙蓄寒河松桂可無憂桐鄉有夢仍頻
到劍閣何心更薄遊蔬食布衣安穩得莫將榮利換
窮愁

其三

茂才自署古遺民

謂王爾昌高士

豪邁風流老未泯野服過

從譚

謂鹿柴

共爾窮居懷抱鬱難伸耕田完賦州慵入

課讀辭名子未嗔昔別已憐竝衰白山川迢遞見何

因

聞孫豹人近爲湖廣制府延入幕中

孫郎聞在楚江濱制府延師比上賓兒女債多真是
累詩篇名重未爲貧心休顏面沃同赭吟苦鬚眉光
似銀嘆我嫁衣連篋棄却縫雲錦被他人

冬陰

錦城歲暮還連陰北風颼颼吹擁衾梅花纔綻香未
遠柳條欲綠寒難禁病痾逾旬扶枕坐情思怫鬱生
沈吟故鄉東望不可見繁雲滿眼翳層岑古來拂意
亦多有長戚毋乃細人心春風轉眼鴈北返輕裝早
逐歸飛禽

名口山房詩集
童子自院後內室折得梅花一枝注瓶漫成

院後梅初放凌寒見化工折來華屋下春入小牕中
禁隔遊人阻交加雜樹蒙可憐兩株好開落任天風
冬杪成都懷方田伯京師

憐爾同羈旅依人老大過高堂貧且健孫子累還多
思夢燕山遠冬陰蜀徼和風塵頻卒歲生事日蹉跎

懷張溫如蘇州

張子吳門在飄零亦可傷微名真是累本計轉成荒
有子還耕讀甘貧乃故常北堂髮垂白那得不歸鄉

病感

水土蜀鄉惡頽教旅病生囊貧艱藥餌胸痞罷魚羹
驕蹇終何理幽憂實釀成危身養妻子本末重還輕
鼓角

殘年遠客病支離昏曉喧煩柰爾欺半世孤踪聽厭
耳僧房功課戟門吹

病夜

霜風颯颯硯池冰塞牖關門悶不勝病坐擁衾誰與
伴一瓶梅蘂對寒燈

粟米飲

魚子勻圓金粟胎病中煎食困脾開故鄉此日同珠
貴裝裹全經棧閣來

菘菹

醃菹巧擇嫩菘心痘疹當年嗜此淡祖母口含親自
喂空孤息育到如今

不眠

歷歷更籌轉沈沈夜氣幽不眠聽每徹遠思夢何由
彊食難餽粥酬醫典敝裘勞生多疾苦何道盡教瘳

故國

故國荒逾甚他鄉望已非殘冬來鴈少遠道見書稀
篝火夜溫藥增寒朝襲衣空囊兼疾病那得便言歸

谷口山房詩集卷之二十九

蜀道集二

涇陽李念慈劬菴甫著

曉晴

起坐云何喜童兒報曉晴
開門紅日上著體峭寒輕
牛馬憑人喚飛揚羨鳥鳴
春風有高興終傍棧雲行
苦役行

隴山蜀嶺千回盤清江中怒流
彎環跋涉春來竟何
意殘歲行徂客未還况復秦蜀
俱饑饉橫征雜役何

會寬大吏不省守令恣浚吸脂髓奉上官西蜀更遭
運木役部議用費責官捐估計上聞纔十一餘者暗
已出編氓今奉 詔旨名愈正奸胥豪隸橫摧殘斯
役寧止費百萬一株役夫動千人吁嗟饑民皆瘦骨
豈復堪此重勞煩剗石架林出幽壑嶽嶽紆曲盡艱
難兼之部使臨驅迫所司陪奉同崩奔飲食饋餉若
流水供億那恤心肉剗秦民幸且免此役死者爲餒
生猶存老眼半昏忍見此從中贊畫非我專武功甫
奏尋土木古來殷鑒戒相王罷開八吏髮垂白顙開
無路空悲酸棲遲幕下意不樂拂衣欲就青城山

冬蕉

冬蕉窗外對傷神敗葉枯乾似老人全性自歸根抵
在順時莫向雪霜嗔也隨蒲柳悲同謝難比松筠愧
此身計日春風勝寒沍拂雲承日却相親

冬日病臥榻上作

聞道今宵月寒光滿院新病中聽乍喜窗外阻還嗔
玉壘看應見璃江望可親誰憐彌天宇不照向隅人

帳中梅花

梅花移向帳中親。暖室溫香迴貯春。未絕人情聊狎俗。細推物理轉傷神。重憐猶恐違天性。漫折終然損至真。誰信他時能結實。待輸鼎鼐獻楓宸。

冬杪成都喜潘仲錫遂至

故人離濶每相望。今日公然到我傍。一別星沙催鬢改。重來蜀道見梅芳。交情且喜前期續。藥物從聞此地良。一七須教蘓久臥。好乘花月共壺觴。

病中

病中殘歲暗消除。力弱心煩百事疎。家信到來還起

讀友朋過問對長吁。不眠枕上詩篇積。止飲囊中酒價餘。晴日偶從牕下坐。輕塵撲滿手鈔書。

家信

今朝天氣好。病起坐晴牕。家信來千里。封題見一雙。累囊兼土物。飛興著清江。歸路遵荆郢。無爲守此邦。

課童子補籬門

客居牕外近庖厨。買竹編籬小院殊。旋插繁花觀物態。少分風月作吾徒。隄防雞豕乘疎入。護惜芭蕉待暖敷。戶扇破殘親督補。春來啟閉正時須。

韓公堂側增置漏鼓

巡警中堂疊鼓傳空囊客子本安眠無端却教相煩
聒徹夜驚心在耳邊

其二

家遠年饑旅客愁晨勞西息病難瘳自從隣壁添譙
鼓并失中宵一覺休

追哭內弟常靜伯四首

最憐吾內弟伯氏比元方親老身先歿文成命可傷
諸昆惟仲在多子有鏜良幼學肩隨日追思淚滿牀

其二

副車非穎脫得失竟何如一榜名難得三鱸望亦虛
家聲清白遠祖澤隕衰餘遺室蠨蛸滿塵封舊讀書

其三

撫棺曾不及幽室幸能歸嫠婦貞心在遺孤作業微
思親惟見舅傷逝忍過扉宅相吾同負憂心慘落暉

其四

季弟還英少春池自掇芫可憐先下地不及慰衰親
齒髮悲遲暮生涯厭苦辛風塵寧久駐且得代昏晨

盛筵

達官一夕讌貧家終歲食同室豐主賓約計千金直
觥籌連旬日中人產可則父子夫婦間交錯樂窮極
坐前列方丈簾外紛匏革清歌逾夜分烏履相克塞
進食役百夫燈燭照煌惑由來毛裹屬天親屏緣飾
文勝情或踈崇華愁損寔新事良可已 王制各有
式繁侈互凌耀毋乃滋僭逼况聞古大臣自奉多儉
齋胡不以斯費旁推建窮識澹泊可風廉寬徭贍耕
織我本罷休吏依人代筆墨窮年惟限俸舉家食一
力觀茲禮數寬氣懾目駭側餘波非所異秉心轉自
飭古風何時見殷憂方孔亟

後雜興三首

孝陵鍾阜下守祀禮原優拜奠申前 命經臨表壯
猷江山觀六代萃侈鑑千秋天塹今無險金焦引
御舟

其二

闕里前經過回鑾及歲除特牲恭展謁盛典照青徐
禮樂崇文教羹墻見聖居侍臣親記注史冊首教書

其三

車駕迴江左諸王率旅趨旌旗迎濟上火烈照東都
祇取供 清廟寧耽狎畋娛守臣拜 宸翰文命并
昭蘓

成都懷吳野人吳天章兩詩人

今時詩比謫仙人河中才士有吳斐性地澄明瑩水
玉落筆超詣無纖塵泰州嘉紀亦同姓高渾宣朗尤
絕倫孤桐百尺少枝葉玉山萬丈立嶙峋二子俊才
不世有吁嗟凡手徒紛紜人生詞藻資學力立身植

德實本根吐棄煩囂窺道闕辟登泰嶽卑塵寰橫索
直探何不可藹如仁義成立言不然私累動牽蔽池
蛙豈足語高原紀也固窮絕仕進躬耕海上稱逸民
爰雖坎壈困生計心空一切器渾淪我生胡爲櫻世
網齷齪猶如羝觸藩悵望二子焉可學檢身撫景空
悲酸

得秦畱仙蒙 息免推罷歸消息

錦城風急木葉凋聞君被逮屬西曹病中驚悸魂喪
失消息凝望天雲高郤傳 皇息免推鞠數日始釋

心戰搔得罪罷歸應自責反躬思咎莫囂囂高堂老
親垂白髮得還奉養亦幸叨人生窮達各定分及時
竭力勉遊敖君家名園好澗水春秋垂釣足逍遙惠
山佳釀味清聖忘憂須酌長生瓢他日野服遠相訪
烹鮮把酒揮微毫

成都院中祀竈作

媚神非所能敬神敢隕越東厨司命君於人亦孔切
貴賤及賢愚誰能暫潤絕肅祀以報功匪云苟諂悅
旅中百事窘肴核止薄劣所貴惟寸誠歲暮聊自竭

俗謂神式憑善惡輒伺察茲夕實登天謁帝備陳說
果爾正直言豈爲酒食奪雞鳴舜跖分方寸神所窟
自反苟多悔染盛空爾縈

臘二十七夜雪

殘冬餘兩日微霰集初更響入乾蕉裏猶疑秋雨聲
冬雪

夜雪飄還止客心轉感酸朦朦窗紙黑淅淅布衾寒
故國今荒歎他鄉亦曠乾春田愁失種身世豈能安
甲子除夕成都作

春至愁仍至年除恨不除憂時心力憊諧俗性情踈
妻子憑饑餓遭逢任迫紆那將多病骨垂老困趑趄

其二

甲子還周運徒知入上元淳熙幾時見文具且空煩
浪跡山河阻塵埋日月奔何當看化洽耕鑿穩衡門

又

念載初歸席未溫迫行西到大江源那知歲酒違家
室又看春幡在蜀門青竹驅魔還禁爆濕薪燒火久
無益但教吏肅民安樂貧病他鄉總不諗

乙丑元日昧爽作

流光不少息夢覺已新春觀化知更代勞生急旦晨
茫茫千載事袞袞百年身聞道慙皆妄何時返我真

其二

妻子真吾累相催更遠遊青山空有待白髮未容休
梁稻悲陽鳥冠裳嘆沐猴將身逐衰謝長此豈良謀

元日立春

春去亦知歸晴檐旭日霏氣蒸梅馥馥色著柳依依
鏤勝花生剪嘗辛酒濕衣客行寧得似歲歲到柴扉

元日初度

五十還過八歲人，思親獨感負生身。
殘年夜去臨初度，元朔朝來已上春。
是歲元日立春 自分歸休甘憇息，誰教
衰白更風塵。始知布令多寬大，垂老思爲化日民。

又

萬國朝元日，千官奉朔時。
吾辰偶相值，窮老更何爲。
歲酒思親罷，流年撫節悲。
不須去貧賤，深恐及磷緇。

正月二日中丞韓公家宴院中東偏草閣觀藝

僧奏技因竝過射置紀感

上日多游宴，春歡迓翟幃。
天魔晴晝舞，鈴閣畫簾圍。
移席過熊館，張弓落雉翬。
夜歸燈火亂，鄰壁借光輝。

鞦韆

隔院鞦韆表絳旗，畫梁繡柱朱繩垂。
蓮花鏤板錯金縷，宮鞋淺踏凌雲起。
一蹴再蹴高出墻，春風吹捲羅衣裳。
倏忽去來看不定，搖情竚立心傍徨。

乙丑人日喜晴

新春六日多陰晦，此日欣看霽色明。
暖入江城蘓病骨，和微海宇遂民生。
卽看歸馬兵戈息，更祝逢年穀

菜成建造巡遊惟暫役憂勤深見 聖人情

蜀州人日見庭下芭蕉

蕉心抽暗綠人日見新滋春色已如此羈人空復知
壯懷消暮齒華髮負清時回首江天外烟霄志未墮

初春出成都北郊昭覺寺與丈雪和尚少話

一室終年坐今晨出郭遊老僧更喪亂清話少淹留
春霽氣全暖機忘心暫休連山青在望歸路豈難求

謁漢昭烈皇帝陵

昭烈園陵溪水東春郊荒草夕陽中異時運數風雲

息隔院君臣俎豆同

祠卽在陵東數武後祀武侯旁列關張龐費諸臣

三顧

求賢延漢祀數回忍挫就成功忿吳失計連營沒遺
詔猶能見至公

謁諸葛武侯祠卽過草堂寺杜工部浣花別墅

杜陵別墅隱祇林諸葛祠堂背水潯籬壁尚餘薤
裊鼻階墀無復栢森森文章忠悃留詩史先後君臣共
苾歆遺跡相望春草裏日斜梁甫想高吟

萬里橋

文禕聘東吳羣公祖江涘供帳蔽津梁旌旗照流水

及時就功名豈敢辭萬里願我但饑驅胡爲遠到此
偃蹇常依人蹉跎送暮齒夙昔惜折腰不爲五斗米
今也獨何心反求生內耻上慚飯牛翁下愧屠羊子
逝將守丘園返駕從茲始

峩眉

聞道峩眉頂高寒不易登三時雪迷徑萬點葉飄燈
火米米之粗者克香積黃齏厭老僧裹糧應及夏瓢笠我
猶能

春陰

春天翻欲雪一氣厚凝陰柳凍難佳色鶯寒滯好音
敝裘曾不釋濁酒且相尋何日披浚霧青郊散客襟

短髮

春風吹短髮不與衆芳新夢裏仍爲客詩篇近得鄰
千秋良有分百歲總非真憂患寧吾累學知狎萬人

圍碁

且喜無常局消閒偶賴渠心神能自致憂患暫教虛
歛子爭何在輸人樂有餘寸陰終可惜悞卻數編書

有感

老來啟處但求安幕府偏驚蜀道難閱世行藏真太拙逢人顏面盡須看常愁空對方春酒善病仍虛卜夜歡承意望風渾不及祇應歸臥守衰殘

枕上

心弱睡偏醒殷憂發夜中江關千嶂遠客思幾時窮急警枕邊鼓常鳴何寺鐘久聽成慣習翻喜耳微聾

其二

貪眠猶困擘鼓角早相催小院曉光入家園春夢回年豐妻子餓愁劇鬢毛摧且喜新來健還能近酒杯

睡醒

睡醒已雞啼虛牕月影西餘醒思茗飲殘夢戀衡樓老景休看劍春郊阻杖藜依人窮齒髮淡覺負山妻聞沈宮詹繹堂卒於京師感傷而作

宮詹忽隕歿訃聞使我傷一官不得調留滯八年疆紛紛後來者疾驅同飛揚東宮雖清秩蓋益實飽嘗負責不得歸鬱鬱迴中腸文詞何爾雅書兼董米長此事頗爲累求乞走四方煩勞厭衆欲晏食或未遑多病無由息飲藥如水漿參朮常不給焉能起羸尪

名曰山房詩集
憶昔共盤敦一存九已亾凋謝到貧窶誰能保榆桑
悠悠身後名流傳待表章幸否亦有命沈思轉旁皇
在世不稱意生死兩茫茫

暫寓

暫寓尋幽僻祇林委巷通身輕仍劍外意愜卽墻東
楊柳周垣綠天桃遶殿紅春光無限好爭似在樊籠

嫁妾篇爲程翁作

程翁燕趙客慷慨古風存辭家渡湘水仗策從戎軒
功成無逸豫獨居過十年其友代置妾有美來章門

光彩照一室窈窕垂雙鬢左右咸驚羨疑是謫仙人
翁見乃嗟歎訝彼禮度溫問知名家裔義氣生賤賤
謂我齒髮暮迴異偕老綠幡然出房幃呼媒來近前
別當覓嘉耦斛珠非所論灑幕有徐君齒長嗣未蕃
厚奩飾相贈碧玉瓜尙全義等還蜀女情殊贈後軍
英雄多曠舉此事况存仁我昔遊長沙曾聞自友人
及茲悉始末詠歌聊長言庶幾激荒淫采風遠播傳
出成都過萬里橋

萬里行方始春深度此橋歸秦須幾日去蜀又今朝

臭腐心何戀江湖興頗饒出門纔數里已覺襲風颭
入舟

辭幕心初適入舟興倍加清看江色好白望嶺雲賒
燕子棲崖罅鷓鴣立釣槎物情皆有託客意豈忘家

新津早發

清溪帶亘山逶迤下江口綿岡逶遠近蒙密見林藪
蜿蜒逐客舟勢如龍蛇走磊磊嵌空石鬱鬱新舒柳
昨朝驅馬來橫望儼夾右今晨忽在左有若相須友
伊啞槳殼高喧逐灘浪吼急流翻曉日明滅照顏垢

一年滯西蜀三春向南斗生理那可量人事嗟難久
山川動高興放懷寄春酒憂樂終何常轉眼皆敝帚
垂老信自然臨江掉白首

嘉定舟發

春江淥於酒騁望洗煩囂三塔憑山峻孤城累石牢
他鄉還信羨急斂念民勞雅水東南會清溪送客舫
江宿望犍爲縣

荒城無齒堞累石象平臺千樹柔桑密一江錦浪迴
開疆思漢郡作賦憶揚才徒想青衣教新絲重斂催

嘉州雨泊望峩眉不得

江湖盜賊繁舟行須多侶衆慮期無虞動止敢自主
峩眉登亦近欲往羣情阻晨朝抵嘉州老眼費凝佇
夜來雨打篷濕雲暗春浦咫尺望猶迷百里胡能覩
不知大峩峯去天有幾許賈人趨利便君子懷霞舉
幽願恐復違惘惘意獨苦

過嘉州大佛閣

嘉州大佛閣巍煥自昔聞鑿山成巨體崇高絕等倫
三百六十尺突兀臨江尊外有重檐護俯看大江奔

浩劫纏兵火閣燬自何年金碧隨流水支撐不復存
我來弔遺跡但見草木蕃其外有數佛尋丈猶兒孫
谷內望危石風雨積苔痕面目遠難識入畏豺虎吞
嘆息衰季世多難及鬼神古來名勝地盛衰各有緣
金石終銷燬吾生更何論

覆舟

灘險驚濤急行舟觸石翻長年檢篷櫓賈客坐煩冤
白粲空潭影文流自浪痕風波一不慎陷溺向誰論

雨泊叙州城下

春雨滴江鳴高山擁郡城瘴波來六詔雲氣暗三檠
通畝開農務增濤迅客程舞雩連處處身去亦關情

納谿縣

風細雨綿綿高江放舸船鷓衝灘響疾櫓過漩痕圓

掠水燕兒小登盤魚舅鮮

土產魚名其味甚佳

滇池連夔道郵

騎入蠻烟

舟中吟望

蜀江風無浪蜀船少挂篷櫓鳴客未起蕩搖數里中
逆颿侵枕席春寒睡不濃短艙俯仰碍起坐卷微紅

手把杜陵詩高吟向長空諸將志感激詠懷意多風
大才遇不偶依人雪嶺東播遷跡非一下峽心忡忡
支離與飄泊今古將無同所恨手腕弱詠歌異沈雄
覽物再三歎千載欽遺蹤

江津縣舟中感興

蒼崖翠木曉未分近望層山更出雲天水春游泥難
去巴江月峽遙氛氲西蜀久旱喜連雨稻秧漸下慰
農民幸免餓死辦租稅大木運送方艱辛郎今處處
見逃逸秋冬之際那可言千年巨材盡斬伐佳產徒

名口日房詩集
滋鄉里寃何如樗櫟保丘壑匠石弗顧全天年不見
明季殿材出未得至今拋棄野水濱民間誰敢私取
用終成腐朽蝕沙痕吁嗟物情忌盛美休誇梁棟矜
奇珍

江曉

夜雨鳴孤枕春寒透薄襟溜波迴石嘴高響落楓林
早暮含多態哀歌發短吟層陰急愁思華髮恐難禁

渝州春泊

兩江夾還合一逕入孤城周堞巖崖削層巔井邑平

賈船來楚越風壤控蠻荆民力繁徭盡何由緩并征

其二

山郭百尋餘閭閻高下居緣崖列廛肆置驛竝舟車
流寓多秦楚登盤偶筍魚年年三伏水平漲到階除
其三

萬戶孤城內蜀民八十家灘高森石笋鳳小入桐華
據險終何益殘民實可嗟荒山悽望眼豺虎况交加

涪州

高堞臨江介衝州踞半山市坊城外見艤艇雨中閒

栖託常多感逢迎有厚顏峽行多壯觀且得縱踈頑

江晴放舟

宿霧濕濛濛移時散曉風山光明樹綠日氣射江紅
橈動交行馬船開迅去鴻春深高峽內幾日到巴東

南陀夜泊

新月對篷窗南陀俯石瀧背原田膺膺溜谷水淙淙
崖火明高屋灘聲噴夜江雄圖逐波逝日覺壯心降

峽舟

篷屋通船覆風廊逐水移行音杭橈爭撇漩續竹負登

危覽勝回青眼看山憶遠眉江程數灘瀨數問長年
知

茅屋

茅屋依山曲零星傍熟田避苛甘近虎終畝久無犍
多難悲遺孑貼危幸苟全何當贖長吏慈惠易鷹鷂
過鄆都縣懷張九苞明府并及令第六翮

近縣江流直停橈放漫瀾奔泉爭亂石細雨灑清湍
冥府傳疑信克渠肆破殘故人遺愛在抗節竟休官

其二

大竹偕完節齊名本季方第昆同困厄桑梓有輝光
論白虛封事雲陰暗帝聞遂初良自好直道豈應亾

忠州

峽內忠州雉堞高層樓翼瓦俯江臯越羅吳紵來千
裏蜀藥邛材下百牢東郭人家盡山麓西坪烟火壑
城壕亂餘生聚稀曾見波麥春風故壽陶

萬縣雷雨早發

灑塗雷雨萬山昏逆籟壅濤打石根急漿下灘真破
浪驚波激漩屢銷魂江船乘漲疾春鳥峽宿懷人愁

夜猿盜賊虎狼行處有風波榛棘盛憂煩

夔州府

江畔羣峯過雨痕高原戴堞俯江奔岸邊八陳遺籌
策峽口雙崖壯石門䟽鑿由來懷夏后雄圖無復見
公孫并吞竊據猶今日恃險何如祇德尊

八陳圖

八陳夔峽口行列平灘上濤擁石不移神異經伏漲
千秋惟舊壘今春忽變狀左存右半晦相傳事驚朔
將無秦運新率土休兵仗壁壘不復用遺蹟示微嚮

男耕女得織朝野同禮讓教兒送餘年聽令樂扶杖
恐是老眼昏日氣迷眺望展轉撫懷抱高城駐惆悵

灩澦堆

巨石出洪流獨立瞿唐口孤根蟠水府龍居悶浚黝
險戒象馬浮喧駭鯨鯢吼長年狎奔濤氣酣如中酒
我來春水平想像敏捷手兩崖皆削成延佇眩仰首
三城踞層巔殘堞荆榛久緬彼雄傑人霸王今何有
德盛無堅壁形勢亦芻狗

瞿唐峽

羣山忽迫隘蒼崖勢相薄呀缺納洪濤高江赴束約
奔峭聯突兀巖崖對剗削有時噴盤渦黝流互石脚
橫梁或中斷遺痕猶禹鑿偃僂俯顛腰崩嵌虛齟齬
數里氣微杼有如解搏格日入江色明峽展天面擴
出險帶南紀匯羣朝巨壑却憶去年春西征歷棧閣
登頓雖苦辛攀緣各附著舟楫本無根峽江下彌惡
古人戒垂堂保身良有託胡爲逐物役乘陵駭遠魄
何時休行邁名山住
芑屨結廬穩青巖吟嘯向寥廓

白帝城

古堞臨天險江山鎖蜀門豈知巴峽內復有漢兵屯
居守代顛易感懷形尚存自來多反側淩阻爲誰藩

巫峽

迴合疑無路奔流入峽深兩岸峯峭削三月氣蕭森
雲雨迷朝暮江山亘古今禹功誰復念空自羨荒淫

巫山

巫嶺臨深江連峯各娟妙天作十二樓削成帶奔峭
霄宇延虛碧晴日開朗曜神女來何峯行雲日罩罩
麗詞宋玉筆荒淫楚王好陽臺事有無時俗空妄冒

仙靈冥情識躡景遺世樂脫畧傳疑譏顧向洛神笑
漾舟下春峽仰首一憑弔潔齋佇高真馳情愛雲嶠

巴東舟中

輕舟下高峽急槳趁朝晴灘響猶岷漲郵籤已楚程
江山延勝賞衰病厭長征不盡烟霄興還同春水生
山半杜鵑花

昔聞杜鵑鳥今見杜鵑花已少朱顏映憑教碧樹遮
雨昏籠宿火風急散高霞恐是啼春血哀鳴染蜀葩

長江

長江下三峽水色碧于油瀨淺浪花惡夜深猿嘯愁
颺旗防汛卒急鼓上灘舟出險心初放平原見峽州

夔陵

羣山行忽盡出谷見州城高岸千廬集平江匹練明
戰爭多昔壘隴壤破春耕重鎮藩荆楚商船仍夜驚

峽山

峽山入西楚石勢倍嶽崱嶭削親天上巉巖插水深
生成猶䟽鑿行邁抵登臨頗遂幽尋願無爲去國吟

出峽

出峽眺芳洲澄江緩緩流驚心辭噴漩豁眼見田疇
盜賊舟人戒權關賈客愁荆南屯禁旅寓處恐難

求

江雨

江雨夜淩聞春山曉未分滴波殼細細滋畹影紛紛
逼厭蓬櫂底喧交賈客羣明朝殊水陸擊楫弄清芬

谷口山房詩集卷之三十

源游集

乙丑冬養病鄂州湖北撫軍石公欲延入幕中謝病不赴十月遂避跡漢口十一月

杪東下十二月少停皖城旋下秋浦度歲欲訪督學江南醒齋弟不果丙寅正月遂溯江上至從陽鎮停寓邀遠近舊交來晤酣暢彌月復拏舟上皖江入楚過黃州越武昌寓江陵五月錢子膺請至竟陵受代邑累至此方了旋復上江陵八月以綏遠將軍蔡自滇來乃往武陵迎晤因遂留武陵匝歲至丁卯秋楊退菴出撫上江遣人相迓八月乃去常德道荆南竟陵武昌九月初至皖沿洄一水往復上下病病禁思并斷絕一切交游讌會之勞僅得古今體詩四十有首

涇陽李念慈劬菴甫著

蚤寒時擬訪友江南

十月凝霜雨乍晴重寒侵被夢難成沈痾日覺違生
理養拙何心遠世名戶外雲濤三澁水望中樓堞九
江城故人此去多相見白酒黃柑取次擎

乙丑冬杪皖城別居停主人卻下秋浦

皖上主人能好客彌旬雨雪不知寒江行卻逐千帆
發歲暮空懷半榻安夢去秦關徒有望經來蜀道豈
辭難重過定赴梅花約待把春杯向暖看

乙丑除夕池州

不謂逢除夕今年落此邦買薪愁濕燼撥火閉寒窗
吳楚空行邁年華迅急淙窮途兼雨雪轉覺妄心降

丙寅元旦池州作

羈棲逢雨雪元旦得春陽訪舊過官舍

是日訪宗鶴問于池州學

宮攜僧步石梁養痾詩總廢耽酒興猶長望道思空
切觀心累未忘

宗廣文鶴問邀飲新移寓舍

咄咄侵陵講肆虛先生小宅近城隅屠蕪春酒還邀
客昔藉辛盤且鱸魚邗上交遊頭並白江邊憑弔意

難舒惟憐九子青當戶差勝談經在石渠

杏花村詩

池郡西舊有杏花村因唐杜牧之刺郡時清明題詩得名亭久廢亦無復

花樹矣今郡司馬周重立坊曰古杏花村又有黃公酒壚并存

花亭倚西郭村逕近如何司馬重坊表遊人繫杖過
詩篇傳古昔尊竿渺山河牧豎空來往牛羊日暮多

樅陽高樓春晴二首

春色到樓居晴光滿太虛江山堪一望花柳漸教舒
多病休人事無營得自如龍眠青近縣吾欲寄精廬

其二

後院連山腳重檐攬曙暉偶來非盡興獨坐忽忘機
江月團團上春雲片片飛夜來魂夢穩客意適如歸

過訪陳官儀遂阿山亭留飲

高亭引行屐坐對北山樓

樓為錢飲光舊居

嵐氣窻中合江

光檻外浮主人工翰墨客子愛淹留隨意開清酌風
流慰所求

不到樅陽三十年矣春過停寓承遠近諸友次

第來晤置酒話舊

融雪隨波江水春樅川隄柳挽行人舊遊詞客登門

名曰山房詩集
屢小市香醪到口醇三十流年真過隙五千玄解欲
藏身求魚爭似投竿穩白髮重來訪隱淪

雪晴錢西頑自青山來晤卽事賦贈

失喜君來雪霽天卽時邀集就人筵
籃輿輕犯凝寒出蠟屐先行衆客前
時西頑年七十耆舊典型餘幾
餘健行過人

輦風塵聚散憶當年相憐白髮迷生事後會難期意
惘然

蚤春停寓樅陽邀桐城友人出晤承羣公枉駕

讌集卽話別之楚卽事

輕舟櫂寒水江晴匹練光積雪在岸山瑩如削圭長
騁懷愛高潔擊楫傾清觴節移物候改梅柳含芬芳

歲晚下秋浦春帆落樅陽停居遲故人卜寓依山岡
憶昔過白門世平身正疆地主迴好客詞人蔚相望

隱淪訪顧紀

謂與治伯
紫兩徵君

先達接鄧

元昭
翰林黃

石公
給諫

青錢

濟揮霍逢迎若故常看松長千里刻燭紫薇堂乘春
泛彭蠡及秋到桐鄉論文洽羣彥才思咸盧王酣暢
盡百日卻出蛟臺傍歡飲孫子子穀舍瑜珥見兒郎是

時物力富民氣無周張所至必快意徵逐重文章回

首三十載我髭已變霜老成半零落環顧生感傷政
煩民生蹙客行久垂囊晚計思深隱養痾焚遊裝舊
好數子存忍能遽高翔馳書辱枉駕雅集羅酒漿老
眼悅故舊逸興還飛揚良會惜難久相顧熱中腸明
朝荆楚去雲水浩茫茫

樅陽承方有懷遺詩賦答

春江停寓枉軒車十日淹留興有餘豈畏深泥遲返
駕還勞更使送來書醇醪屢餉先冬釀白粲頴遺上
廩儲稍待夏秋湖水盛卻尋前約造高居

皖城訪佟儼若得晤卽留同皖士韓第七李文

海張引大小酌越日再集

竟慰懷人願新知樂放歌酒開藏醞美詩紀遠遊多
勝友欣相值清談得再過征途異南北遄別柰情何
復雨舟中作

蛟臺經月陰雲鎖雨雪春連客困坐楚江欲上不得
進人意每逢天事左昨宵雲卷帆可開獨犯洪濤放
輕舸狂飈吹合四山陰水宿魂驚浪顛簸本訝驟晴
星照泥畏聞復雨風搖柁罟中米盡囊少錢僮僕無

名曰山房詩集
聲愁向我荒港中宵防盜賊纍纍誰信虛裝裹人生
有涯老當休負責迫驅歸未可江湖漂轉謀計踈多
口空勞望舉火有才無命豈偶然古往今來盡轆軻
行吟金石彼何人計量米鹽良瑣瑣

田家鎮

偉聚大江濱侵籬楚水春神鴉迎客權山竹贍居人
晚市青菘嫩頰過白髮新風波逐生事何處息吾身
過黃州贈王子允大行

師恩未報慙余拙世好重尋羨爾賢江上才名見文
度斗邊行使待張騫許窺縹帙連高架卽遣霓裳媚
盛筵莫戀鳳笙空費日須登螭陛趁當年

其二

漢北曾經稅駕臨官貧解贈少兼金徒行卻枉乘軒
下盛節真增負咎深衰疾難爲牛馬走江山還費短
長吟故園草樹風飈裏枳棘何由息倦禽

其三

彩服堂前珥漢貂烏衣巷北弄秦簫
允老時有吳妾能詩與別居新
宅板輿愛日行春澤玉鏡新吟和綺寮甲第連開輝

名曰山房詩集
棣萼輶車欲上直雲霄清辭奧句應成帙肯餉舟中
慰寂寥

贈王子重吏部

世好黃州王吏部長城格律見斯人九流手序年方
壯萬卷胸藏氣自醇病裏枉存每徒步江邊談讌幾
凌晨全忘勢分過從適獨愛文章臭味真

其二

自得新詩手細鈔舟中吟誦對江郊雄音都它融全
雅餓腹何緣飫大庖此日新聲空瑣屑異時高唱亦

喧呶鯨魚驚海人難見不似螢光照草茅

其三

殘年白髮苦催人痴子貪嬉教未申天運可知惟進
酒人情日薄枉勞薪窮愁病痞妨耕讀歲月偷安喜
賤貧那得粗謀生事足從君學海試垂綸

皖江夕泊得同邑牛玄斐社丈手書并見懷近

體依韻奉答

雅集論文意不念魚書忽枉自池陽清詩夜把吳江
上思夢春馳洛社傍浪跡未消盃底興狂歌空長鬢

邊霜換鷺咏鳳吾何敢

俱答來詩中語

才大終推老豫章

爲徐電發太史題楓江漁父小照

休沐歸來把芰荷絲綸聊復試清波得魚佐酒憑酣
臥不畏花磚日影過

其二

紅葉清江稱小舸文心秋映錦雲濤後車已載君休
住烟水應須讓我曹

和朱孟浦觀海作

狎鷗忽漫到天池蓬島神山意已馳萬里濤聲迴日

月九秋雲氣化鯨鮪虛傳波晏占中聖實恐塵揚失
後期方士乘舟常不返仙人瓜棗至今疑

重過竟陵居停吳巽中書館將去漫贈

修廊曲折透柴關澗院深堂茂綠間自是通人能繼

志

其尊大人晞齋存日舊有亭子當書屋之前今移置西偏頓覺踈豁

肯容狂客借偷

閒蘭膏夜映東西閣

吳老兄弟讀書其中

桂樹秋榮大小山更

欲與君敦世好江湖每過就開顏

帥茂才尙子見過有餽口占贈之

歲久人非眼倦畱竟陵重過感前遊茂才猶自衝炎

暑攜酒籠鷺餉故侯

其二

老去猶餘薄嗜存野芹煩斲種缸盆清香一種殊濃
厚滋味相宜是此根

樊茂才餉藏醞

老釀深藏歲十更酒人瞥見眼偏明知君謀向床頭
出難得家人不世情

寓中小亭納涼

小亭前面水之涯午坐追涼自煮茶長日南風吹不

息石床落滿梧桐花

荊州寓中納涼

北戶微風入茅齋得小涼幽居無剝啄竟月免衣裳
何日尋山洞披襟坐石牀陰崖看斲藥聊欲試休糧

題畫紫白二菊

爲祖仁淵僉事

秋花紫兼白照映霜中發義不冒黃金相於愛晚節
贈戴凱友茂才

馬隊初投契深情久更新談經聞小戴好古近先民
生事妨吟讀移居閱苦辛能文兼孝友如爾豈常貧

贈徐天植茂才

寺壁見題詩聞風最爾思
避煩還浪跡倚玉愛清姿
累重生涯薄文成命達遲
承顏兼兩世守道每忘飢
十月一日武陵客寓感懷

冬序九旬開朔旦孤踪千里滯江濱
行違先壟非今歲缺薦寒衣又此晨
秦俗以此日製寒衣焚化先祠衰病每愁增藥餌
江湖且喜偃風塵時平萬國寬征歛
有日歸為耕稼民

冬杪武陵得王琴伯書知頃已辭撫軍幕暫留

鄂渚旋將下蘄州度歲

經時凝望故人書短札新來慰索居
且喜身閒隨去住免教嫌引阻
鴻魚依棲何定傷行邁轉徙無端逼
歲除同是他鄉歸不得江湖雲水渺愁予

丁卯元日六十初度

歲序催吾老流光柰爾何
有家常不返失意飽經過
甲子周還始庚寅降豈訛
升沉同一往衰疾任蹉跎
武陵城外何新菴水樓

懸樓背郭席為門層疊支撐架小軒
朗水當窻明素

練枉山湧月落金罇幽棲自合鳧鷖狎大隱寧嫌
肆喧稍待天中看競渡羣龍角逐試騰騫

何新菴湧月樓

小閣臨江色中宵月影橫高懸東嶺碧迴入北窻明
輪起親天上光分破浪清洞庭沙渚白鳧鴈自相驚

客寓燕子至

燕子何方至今晨入戶飛不知同是客若爲暫相依
異地驚春暮他時羨汝歸養雛兼辟世垂老意俱違

客病榻上作

負責歸無計沈痾祇自傷餘生且人境垂老任他鄉
妻子終何與才名亦可量素交半零落追逐意難忘

德山寺步碑上宋人原韻

烽火頽年剩此山花宮高處俯江灣行穿古木蒼藤
裏步入虛空杳靄間法續祖庭常夢想杖攜老友共
追攀武陵指顧風塵滿卻恨扁舟待客還

寄譚鹿柴七十

君不見竟陵寒河七十翁鬢眉皓白頰面紅幅巾拄
杖畫圖裏吟詩行步春林中松竹覆茅四壁靜布衣

脫粟家屢空可憐遭時尙猥巧名賢哲裔老厄窮
鹿柴
爲友夏先
妻寒子餓啼在側灑然曾未縈心胸達命
生次子
何難躋期耄冲虛道集乃固躬吾今六十機未息飢
驅奔走常西東多病蚤衰真自取望君賢達羞下風
他日相從醉春酒跪乞丹訣伏青龍

琵琶亭

步履臨江岸琵琶送客亭哀絲千載怨遺恨數峯青
詞賦傳空遠風帆去不停白公今已往烟水日冥冥

小孤山

聳起中流欲刺天周遭銀浪噴洄漩上游雄長金焦
勝南戒孤撐底柱懸絕頂朱樓迴日月四時清磬落
風烟山僧乞米舟如葉獨權欹危到客船

谷口山房詩集卷之三十一

皖江集

丁卯秋養痾武陵楊退菴中丞撫皖相迎棹舟來就以九月初到中丞猶未至乃往

迎至荻港下五十里相見却同回至皖遂留其署內戊辰三月杪從中丞下白門至金閭五月還署十月申奉命移楚次月初遂相從去皖西上是役也中丞公為念慈周親雖在其幕內不全以案牘相煩暇日殊多半用休疾凡在皖年餘共得古近體詩八十一首

涇陽李念慈劬菴甫著

皖江舟中下迎楊退菴中丞

倦遊生計窄垂老更依人卻把廬江櫂真違楚岍嶺

朝敷寬大政 國用直方臣一德何當覩還令末

丁卯九日維舟荻港登驛後小山眺望遲楊中

丞未到

今年重九又舟中繫纜尋山望不窮荻岬秋花連港

白楓林寒葉待霜紅磊砢石引登高屐山多怪石
峻嶒磊落欵

側帆飛落帽風仗節故人今到否擬同樽酒醉陶公

皖城奉懷荊州司馬陳景白

斷酒辭交近二年過逢上佐禁全捐未登假館虛高

駕不憚淹留醉盛筵攬轡那成司隸志陳見貽馬
勒故及題

真真見汝南賢長江一水連吳楚回首西雲意黯然

舟中卽事

侵星解行纜日入未得安朦朦洲渚引搖搖百丈牽

岸遠矣宇濶月明江氣寒登磯聞急流乘溜避洄瀾

嗟彼賔索子竟日難一餐跣足榛莽中單衣或不完

舟子忍驅迫筆下如雨攢力竭終難進僵臥草萊間

有生同一體勢異心何殘咫尺隔上聞何況限九閨

目擊駭人情浩然發憂嘆

子冬皖城院中移居東偏別舍

院內移居不出門短簷密室趨冬溫便堙北戶防風
利旋表明牕愛日暄鄉國妻孥愁短褐東南黎庶苦
饗殮一身飽煖翻憂思大厦何由乞至尊

雪曉病起趙秋水見示夜酌呈楊中丞詩

疆起扶行欲倚欄卻回直畏雪風寒初知上夜開金
盞爲是中丞送玉盤佳句連篇傳盛節病身隣壁隔
清歡牕間把誦神飛舞心弱終愁屬和難

雪朝趙秋水以詩見訊

飛雪到簾櫳蕭蕭鎖院中飄多全委地舞密欲無空

杖履今晨阻罇罍昨夜同新詩垂問訊那復畏頭風

皖城院中病起喜接晤陳滌岑先輩

三十一年情契濶二千餘里夢相思蛟臺遯去真無

柰前到樅陽不及鎖院重逢詎有期痾疾頓忘高會

後鬚眉都異嚮遊時故交疆半皆塵土屈指從頭意
轉悲

皖城寒夜趙秋水繆乘六見過畱飲

獨坐羣書側扶筇二妙來懽然同笑語率爾命罇罍
雪氣寒深夜燈光動蚤梅清談多勝理不覺起衰頽

先君生辰日悲感

自失趨庭壽年年感此辰客中牲禮闕病起淚痕新
家苦長貧計心傷漸老身兒曹雖記憶終恐異情親
冬日皖幕陳滌岑攜致方田伯畱訊手書怪其

舟過江門不一通晤

山下孤城俯大江吳雲楚雨落寒淙中丞操撫開金
戟幕府邀畱倒玉缸官舍書聲高出院膽瓶梅影瘦
橫牕故人舟楫朝經過惆悵空遺鯉一雙

瓶中臘梅纔含小苞慮津液未克不能開坼歎

蚤被摧折虧物本性有同人事愀然傷之

瓶中臘梅何天驕童子擎來雜青篠枝橫鱗角自歎
斜苞含豆顆還眇小已傷攀折物性違更惜摧傷苦
太蚤冬寒雪深陽氣微津力何能達樹杪本枝斷絕
難再屬滋液虧傷待枯槁把殘空思映酒黃照影猶
憐當牕矯人生有才豈盡用遇殊事厄同腐草兵興
饑疫民命輕川原棄骨含霜晶生理本天詎未足中
札末由致完好玩物虧仁羣所忽獨對神傷悶清曉
冬夜皖城院中趙秋水招過同諸子小飲

趨幕同爲客招攜訝爾偏過從宜皓月鮭菜費青錢
方物開行麓歡娛慰暮年笑言多妙理心醉易頽然

曉寒枕上作

譙樓鼓未休小院雞聲起襪被迴生寒北風打窻紙
下卯除夕前四日奉陪中丞楊公退菴攜同

幕中諸姻友出郭遊覽酌讓泉漫興

歲暮休百工放衙弛蓮幕騎馬出北門遵塗轉西郭
天晴江色明雲斂山翠落衝城據高阜岡坳互叅錯
一氣相綿亘重掩疊跼尋幽得冽泉味甘勝乳酪

素綆引寒甕沃飲羣所託徐汲瓶俱盈競取液或涸
教讓傳至今寓箴戒貪薄我來俯滄泓洗盞祛煩惡
冷然心肺清內熱忽已霍何當濬深源分流散民瘼
萬人咸給足飲啜得自若思義顧其名勝理庶知擴

皖城西郭謁余忠宣公祠墓

從死軍士千人分兩塚東西列于堂

下後堂並塑同死夫人及子女三像

元代余公典祀存崇岡高塚照乾坤官軍同死標雙
壟忠孝全歸見一門天柱凌雲依氣節皖江激浪擁
精魂文經武緯千秋事報國刑家異代論

皖江歲杪從中丞楊公登余公祠後大觀亭

覽眺

祠後危亭啟大觀檐楹儼人碧雲端病愁忽逐羣遊
釋沙樹還隨望眼寬巨堞重岡迴氣勢長江千舸下
風湍高牙控扼連吳楚暖律潛回萬壑寒

登鎮皖樓

鎮皖樓高俯大江歲寒沙遠暮潮降應知魏節臨無
外那藉層軒奠此邦風擁山雲浮畫棟日烘海氣入
晴窻春來和布舒梅柳好共凭欄倒玉缸

自城西放舟下樅陽門聯轡卽事

登山力微倦畫舫引江湄分局碁爭勝合歡酒倍醜
晴江明錦浪緩櫂殷清吹歸路還乘馬夕陽未覺移
謙兒至聞霍氏女歿詩以哭之

聰明真似我孝謹最情親每恨非男子何堪謝世人
傷心歲前字迸淚病餘身惆悵長牢落無能救汝貧
其二

配耦皆因命艱辛亦自貽尊嫜寧肯諒夫壻竟難規
失愛人多有克諧汝未知老妻獨孤苦恐便促年衰

其三
最苦人間事衰年喪所生獨餘弟單弱相伴父孤孀
舊枕留描鳳遺書冷聚螢傍人難痛哭深夜自吞聲
其四

子女遺何倚空懷郝氏憐成童荒作業不嫁過笄年
夫壻真殊性阿翁最惜錢外家終隔膜無計爲陶甄

丁卯除夕皖江院中宴罷

守歲皖江邊更深罷綺筵從前皆去日已過是吾年
頌罷椒花久燈明栢院偏兒童雖長大未息老夫肩

元日初度感述

我命本戊辰陰陽理淡閱龍生重壤中掩抑何能事
猶憶父母言總角愛聰慧取次入學堂誦書了大義
國變家破衰生理苦凋敝蚤櫻俯仰憂奔走稔勞瘁
自重道未諳干謁資活計中年薦鄉闈尋與臨軒
試名次應部曹朝廷用新議移官郡士師內外等

升墜再改領百里勢格政繁累依例急催科誰忍驅
顛顛宋鷁只退飛風逆傷毛翅略識仕宦緣終鮮攸
往利託病辭微官聃期奉養遂豈謂風木悲老親遽

捐弃有祿亦弗逮負米焉能饋那以骯髒軀徒爲妻
孥使逝將隱名山學道還初志未免婚嫁牽難却友
朋誼陳力皖江濱微勞副掌記歲杪節序迫年衰光
景駛蹉跎六旬過干辰復初歲已覺痾疾纏偃臥屢
牀第心力久耗損在世寧久視所賴肺腑親程課罔
責備調養食飲珍滋補復著費兒子並迎來晨昏有
趨侍故鄉老妻妾門戶猶兩地食指累他人寸心常
惴惴何時外內間生理粗位置策杖入三峰松林恣
容裔

立春日

楊中丞公招同幕中諸姻友讌集靜

觀堂觀劇

幕府張春宴高軒集衆賢歌長紅燭夜香暖蚤梅天
物態皆新意民生望有年何當江雨足于耜破郊田
春夜皖江院中雨集送章仲韜及令子闇修歸
山陰各爲一首贈之

夜雨延清酌春燈簇別筵却辭開府幕直下剡溪船
無策畱孫楚空思學討然材成爲世用焉往不逢年

右贈
仲韜

其二

歎爾趨庭遠真成侍養歸帆檣風拂拂江渚雨霏霏
失路面顏好還鄉生事微只今年力壯未可戀郊扉

右贈其子閻修

正月十四日皖城院中風雪屬先慈忌辰感

慟

改歲仍留滯心憂復此辰祭筵風動燭永日淚沾巾
南雪愁烏鳥江春躍紫鱗看人試鐙火獨坐倍傷神

其二

生事嗟無分重泉倘可依已看兒齒暮猶悵母魂
違孫長迎新出家貧困不歸何時守祠宇淪薦故山

薇

輓孫豹人中翰四首

鄂渚風寒憶別離錦江沅水重相思祇憐老有長貧
恨豈料生無再見期五嶽願違多累剩千秋文在大
名垂遺骸容葬還難計終窆空增後死悲

其二

豹人娶于三原石為余祖母之姪孫女余已未與豹人俱以薦舉待詔京師後同考落余即就部辭官仍赴楚候代豹人雖受中書職銜從不被章服乘輿馬

君家內子吾同出萬石門高衍慶長神虎挂冠趨沔

北乘龍能賦重淮陽兒孫傳業媿荀叔豹人子燕孫舒俱有才好

學能世其業操作甘貧有孟光不却時名仍布素義熙終

老嗣柴桑

其三豹人舊擁厚貲有眇柯園在維揚塿上後以刻書結客所蓄散盡園並售與他人移

居東門曲巷後又移大東關

塿上淡園號眇柯雞窗花逕舊相過高貲隨手消脂

穢委巷藏名蔭薜蘿詞客登門常問字嘉賓攜伎憶

徵歌草堂近住東城下宋宅揚亭隕淚多

其四豹人舊選有詩志一書貧不能梓其自著

世行

全拋生業愛宏辭妙選難成志可悲天子徵賢虛

奉詔中丞蠲俸為傳詩情淡邗水論文日淚盡宜

城把計時安慶府古宜城地薄海交遊凋喪半故鄉寥落倍

愁思

代東索姚白菴畫花卉壺盃短障歌

昔有周副使遇物能寫生蟲魚兼卉木筍簾及瓶罌

果蔬菜蔬俱神妙落筆不獨傳其形副使歿後二十

載學者摹擬誰能精姚生後起獨超詣推移變化由
神明哥審薨文細冰裂筠籠半絡疎織成內注雜花
分四面歌側向背各盡情恐是上苑採供御何人提
攜落銀屏史家砂壺製精雅惠泉罈水青銅鐺澹濃
兼取西國法陰凹用重陽用輕對此便欲把斟酌一
吸消我煩渴櫻凡此不須粉赭助灑墨獨運意經營
心墨合一應手出森然元氣中流行化工惆悵空妬
嫉芸生豈柰君腕靈古今幻怪何不有熟習終難獨
慧爭秋過竟陵乞數筆迫促猶覺畱章程雖然寶愛

意未足至今懊惱心怏怏宣州玉版滑且白封題遙
寄君莫驚倘能揮灑還相餉潤筆不但陳醪醺先馳
長歌代柬札能令千載傳君名裝成冊卷置行笥走
趨北闕極南溟用呈作者代嚆矢亦足爲君增逢
迎

皖城春暮喜趙秋水長君函子趨省至皖旋送
歸廣平

遽使淡冬去皖江欲暮春初乘青雀舫來慰白頭人
藥物煩多餉詩篇可細論便聞歸有日懷抱詎能伸

其二

冀野浮雲外蕪關春水邊
拏舟從此日把袂更何年
世業推劉向文章繼老泉
趨庭還將母福澤羨君全
采石磯

危磯俯牛渚奔浪日崢嶸
石出臨無地江深觸劇鳴
風流懷太白功業憶開平
暝色松林外空傷弔古情

贈鄭谷口

我家在谷口常懷鄭子真
今逢谷口翁乃在長江濱
博雅窮圖籍好德追先民
揮毫運雄腕隸書妙入神

偃波如擘枝懸足似垂紳
森然筆墨際蛟龍紛逸奔
漢法今絕響薪傳幸茲存
芻工神農術精理洞本源
丈夫不仕宦利濟末由伸
隱居市肆間亦可活斯人
我官雖久辭依然役此身
勞心兼憂世抑鬱滋病根
賴君起沈痼健食走踈踈
乞君肘後方載飛墨池鯤
服餌延暮齒展對識古文
全生歸舊里長與映松筠
戊辰初夏金陵贈王安節

昔我遊金陵獲交明農叟
方爾止文一字明農君也其館甥似

續風流久亦如顧翁業梁子實外受
顧與治夢游無子其壻梁兆熊

能傳其業嗣過讀畫樓周櫟園先生樓名相對傾杯酒櫟園真愛

士賞音到瓦缶見爾好丰神皎皎羣公右去茲二十

年重泛青谿口吁嗟三先生名在骨已朽落帆造君

居空望門前柳病起却招尋相見十日後丹藥手相

遺畫幅亦俱有交情與筆墨所事都不苟論文鄭君

座鄭谷口籃洪鐘容筵扣定知風雅場他日瞻南斗白門

故舊稀君才誰與偶從此投微分應不弃老醜酒罷

念前游悽惻更回首

楊退菴中丞過京口諸屬僚置酒邀登金山今

慈病不能從舟中遙望步中丞韻

勝地曾邀御蹕來維揚鐵甕對銜杯山高原自延

多景江遠何緣混點埃覽眺乍空層堞障山舊因海上之亂築

城扼江殊周遭突見曼廊迴沿山腹周廊皆近始增置獨憐臥病

從游隔倚杖惟應待卻回

奉陪楊退菴中丞夜集梁溪秦畱仙太史園

林酣暢達曉明日重過遍觀池澗亭榭諸勝

卽事賦贈

名園看不厭來游幸茲仍主人夙期約良友與同乘

百里困風水月黑夜僂僂艤舟登綺筵危橋度凌兢
曲池映周廊上下見華鐙雅音旣迭奏藏醞傾如澠
情洽知漏促啟明倏東昇曉色上山椒川氣相與澄
橫雲間林薄塔影落峻嶒朝爽蕩餘酣罷宴如夙興
其二

歡飲神微倦回舟聊憇止臺池迫嚮懷假寐還復起
遵塗見蒼林層閣引芘屣主人已前迎高軒散列几
澗聲漱哀玉泠泠聽未已罷食行遡源交柯蔭硤礪
曲折廻巖坳潺湲終在耳次第過亭軒松桂各蒼偉

茶竹及香樟 睿賞經移晷茲遊詫過分欄檻重徙
倚聽歌夜還來清音發妙理歸夢自茲休日向山園
裏

惠泉

未覺中泠勝猶蒙第二名清甘資茗釀餽餉給公卿
素綆無停汲高原迴自盈操行如有愧飲啜亦堪驚

重登金山

名山經 駐輦崇飾壯皇輿城去江光見天晴石氣
舒修廊臨浩渺孤塔上清虛重過瞻 宸翰昇平仰

名曰山房詩集
卷之二十一
令譽

泊舟燕子磯奉陪楊退菴中丞遊弘濟寺夜
看燈船寺僧普公貽詩有十五年來見太平
之句和贈

山半禪林取次登臨江石檻暮同凭蒼崖覆屋懸千
尺瓦磴穿雲上百層玉椀紗籠明夜渚畫船繁吹從
中丞老僧亦愛昇平象出定高巖看放鐙

隨楊中丞至江寧制府署中寓西偏小院越日

將返皖城作

人生在世受享各有涯所遇得賞心豈論久暫時
仲夏過金陵暑熱增煩疲因人寓公署幽賞寧敢期
西偏好亭館居停偶值之迴廊通曲室綺疏開四圍
菜竹覆後窗梧桐蔭前扉芳樹更雜植清陰交濃姿
披襟坐當中涼風自來吹稍西有水閣綠荷照漣漪
晨興迎朝爽夕坐納清颺時還乘良夜獨酌盡小卮
來時生明月馴看欲滿規所得已過分快意惟自知
便去亦何恨隨寓樂無虧買山久絕念種竹亦是癡
心幽境皆好陋巷真吾師

名山詩集
楚警

滇黔兵罷幾經年又報新烽照楚天甲卒衝炎趨夏

口將軍逆浪進樓船卽愁師旅騷多郡却恐供輸竭

逝川民力東南猶未復 廟堂何幸計安全

其二 克錫類以舊制府筆帖式迫脅不從弃妻
子逃由安慶赴京師告變參政程光

參議龔士
出短衣謁見退卷中丞

走卒鴟張事可佞飛蟲良自赴鐙煤羣生重陷離居

苦急難空思濟變才募佐輕燒江上至監司敝褐賊

中來斧柯兩葉爭遲速荆帥何需 詔令催

葉叅議殉難 公諱映榴字蒼梧辛丑進士江南
上海人時任湖北糧儲道又副使

鄭僑生知府汪燾蘇員嗣同知朱璘知州張
士駟通判朱榮祖張芑知縣張介眉汪顯馬

雲會梁鳳翔布政司經歷馬煥曾縣丞惠
之璉司獄汪金章俱抛弃妻子逃出去軍

偉哉葉叅議伏劍竭孤忠决烈光吾道艱危見士雄

江風引歸旄 卹典待平戎逸出拋妻子同時亦數

公

宣都閩 公諱德仁字元儒宣府人戊戌武進士

都閩不典兵城池非所司宣君已暮年獨能念名義

武昌叛卒橫官僚多逃避委身投短纆綱常此焉繫

名口山房言集
亮節未上聞 卹典何由致事平表遺忠我懷有
淡企

皖城院中避暑射圃高廳漫興

高軒臨曠處四面納疎風几榻攜相就炎蒸坐使空
扇爐煎綠茗籠燭護青蟲案牘無煩擾寬閒也自公

其二

皖口交吳楚中丞政教平和民多息事休衆罷觀兵
遠步容行藥長風自解醒晚涼時獨坐初月上東城

其三

西壁通鄰圃迂迴引步徐圓荷浮碧沼高柳蔭清渠
菜甲供時摘畦田看晚鋤微涼新雨過閒檢課兒書

夏自院中聞黃鳥

夏自貪涼睡起遲乍聞黃鳥轉高枝故園回首思千
里正是村中打麥時

皖城立秋

江城梧葉下客裏倍驚秋暫此休多病終然愧薄遊
衰遲空自念搖落迴添愁江漢新烽急吾生柰百憂

皖江新秋送趙秋水自楊中丞幕府往叅京口

水師陳元戎軍援勦楚北
秋風颯颯送樓船宣撫分才贊畫旃幕府文章儲露
布將軍精甲指晴川行清蟻穴蘇民困好續鴻書慰
望懸皖口却回笳鼓競金尊遲爾菊花邊

中秋夜楊中丞移席攜幕中客就我射廳讌集

翫月

射圃高軒啟寬平受月多中丞移綺席雅集愛金波
歲稔居民樂烽銷使節過江城歌鼓亂不醉欲如何

其二

戍鼓動初更中天月更明虛檐淡獨坐濁酒淺還傾
白髮偏相射青山久負盟故園人盡望萬里共含情
十六夜望邀前客重集雲開見月

秋月過三五霾陰也自圓暗升滄海外蚤挂射廳邊
幕啟江雲破珠明草露懸錢塘潮劇盛何日落尊前

其二

冰輪渾未久佳客續歡娛旅寓無兼味盤餐綴野蔬
政閒遊宴接秋暑雁鴻疎且喜沈疴減追攀得自如
重九前五日皖江院中送趙秋水歸廣平

後會愁無日他鄉意共懸應須休白髮莫浪擲青錢
去住隨人事文章祇自憐吾歸猶未可送爾倍悽然
同日又送周子世舜親暫歸湘潭

楚微烽初息廬江淚更揮熟聞詩禮去却共雁鴻飛
鄂渚休停櫂湘潭待授衣田園須檢校松菊暮容輝
九日楊中丞邀同衆客登高大觀亭却櫂舟下

鎮皖樓宴集有懷趙秋水

江畔登高喜乍晴蘭橈却櫂下東城重樓且喜聯羣
彥三逕空慚負落英眼底過帆心共遠風前脫帽酒
還傾殘冬遊宴情如昨獨少霜髭趙廣平

皖上送楊立三西歸

客歲秋淡爾向秦今年重別菊花新江城親舍應回
首可念高廳善病人

其二

攬轡秋郊馬正肥楓林霜重露華稀家書却寄秦關
去鴻雁來時爾北歸

九月十五夜射廳獨坐看月

秋晚還佳月高廳只獨看最憐清影勝無奈肅霜寒

入座侵蓬鬢流光過菊欄機絲虛故國空念授衣難
九月十九夜與杜方叔射廳小飲看月

鎖院淡秋月暉暉起二更高軒殘菊外若爲故人明
露下寒生袂童眠酒沸鐺何時同里舍却話此宵情

浴室

嗜潔良吾癖浴池新築成閉扃終歲暖浣濯一身輕
人世多脂穢行踪半濁清亦知藏垢好褊性老難更

贈醫士楊嘉玉

才力原名士攻醫實隱身治人無貴賤劑物見君臣

花逕兼蒔藥壺齋獨釀春秘書全假借如爾可推仁
戊辰初冬皖城院中臥病對菊

爲爾嗟遲暮花開已上冬凌霜空自傲向日彊爲容
爛熳終何益江湖亦屢逢更憐三逕裏雨雪對寒松
其二

病劇初寒日消愁賴此花清香帶秋色小植駐年華
歌枕吾同瘦開窗日每斜數枝蕭瑟影儼在野人家
其三

南陽潭水上聞有壽人村此物堪充餌沈痾可試論

蛩吟牀下急霜色野中繁護惜依軒檻徐應泛酒樽
其四

不競登高節何心殿衆芳風迴聞小榻鐙舉印虛廊
夢裏關河遠江邊日月忙溯洄望彭澤籬落久無香
趙秋水以九月四日別歸廣平是月廿八卒於
江寧訃至皖城余適在病中枕上成詩二首

以代痛哭

凋儻風流八尺身秋江別後未三旬惟將指屈還家
豈意心傷報訃人歸訃已成仍道卒文章不遇只
途貧病中驚哭聲難續迸淚頰沾枕上巾

其二

飛揚豪邁性難移揮灑金錢比瓦甃公子迎歸反扶
親夫人望遠尚占龜銘旌鄉路還千里痾病微生更
幾時地下盡交應有待江邊贈賻愧無資

病中喜晴推窗延望

連日冬陰合終風起暗埃今朝晴色好卻得小窗開
盆菊黃逾綻江天碧更來病中聊放眼歌坐意悠哉
病中喜方田伯至惠遺山栗蓮實菓餌諸物畱

飲話舊

病中喜見故人來設飲林前看舉杯漸次過逢增白
髮他時凝望阻黃埃多攜風嗜山間栗遠信曾傳嶺
上梅何日相聞婚嫁畢各鋤荒逕臥莓苔

病後

歷歷更籌轉憧憧客思繁病身禁漏永宿火傍牀温
近寺鳴鐘蚤高窗過月昏旱乾澗井涸爭汲衆聲喧

久旱夜雨臥聞檐雷有聲枕上喜賦

冬旱井泉涸深宵雷下溝應餘千里潤莫盡五更頭

晚卉還霑灑虛罌恣採收蔬畦兼茗碗從此兩無憂
述交詩奉別嵇漪園年丈

土居異鄉縣闈舉同高秋氣合無遠邇一德自相求
君達好聲名我出遨江洲佐郡嗣南北明允慚爾優
共期致遠大寧爲温飽謀碧梧辭高岡鳳兮安所投
改官赴東郡寔始從君遊辱君兄事誠輔仁異比周
齊心交臥龍愧非嗣宗儔分手逾三載再合荆江頭
升沉及辛苦眷念增綢繆丈夫高氣誼貧賤非所憂
冉冉老將至委身垂壑丘文章一小技望道深悲愁

依人豈得已謀生良可羞
殊君經邦略藉手成大猷
於世苟有施何必身鳴騶
可憐俱白髮纏痾各未瘳
窮冬皖江上因人聊勸酬
凜冽霜風中鼓櫂那可留
我行之鄂渚長江日夜流
念君在梁溪一水通蘭舟
鯉魚有時至凝望烟中郵
所期慎遲暮守約崇清修

谷口山房詩集卷之三十二

鄂州集

戊辰冬楊退菴中丞奉

命移撫湖北十一

署是役也家人並干暮春迎至自以嚮來久遊之地相識衆多避嫌隱跡視他方加甚從不晤接賓客及出署遊集溪居西閣惟日對前山一寄望眼耳至己巳十月退菴染恙請告未十日旋卒傷知己云且日爲經紀其喪中一切無復思緒共止得古近體詩七十五首

涇陽李念慈劬菴甫著

從楊退菴中丞赴楚去皖城作

客皖過一載今晨忽去茲乘舟溯江水却向黃鵠磯
久速因他人本自無前期南北均逆旅去任理亦齊

武昌我舊遊往事苦繼羈此行在幕府幸無慮寒飢
主人性豁達坦直少偏私雖復親知間立身各有規
知言苟未盡寸心安可欺因事勉陳力倘可益蒸黎
所施暨多郡猶勝作令時

從楊中丞遊武昌縣西山靈泉寺

余丁未歲之
粵過此黃岡

夫子曾攜遊山寺于寺後黃山谷題松風閣
上置酒

三十年前此溯洄吾師相引泛金杯那知下邑投簪
後却傍中丞使節來學士松風吹杖履吳王宮殿沒
蒿萊羣遊不盡園巖勝歸權何勞細雨催

武昌院中得寓西閣

院內西偏閣憑欄愛曉晴嚴城千堞遶踈樹一山橫
登陟煩筋力虛明放客情戟門晨夜鼓臥起有常程

其二

前嶺多叢木昏鴉日日來羣飛頻上下還集故遲回
是物皆休止吾生轉自哀會須葺茅屋歸老白雲堆

其三

北牕對高館真擬畫圖中花樹宜承雪檐牙迴受風
書聲晨旦答燈火夜淡同有酒呼相過無勞遣小童

戊辰除夕武昌院中

皖城遺鄂渚草草又周年此夕繁鄉思何時斷客緣
衰容增白髮節物費青錢安命憑兒子嬉遊閣簡編
己巳元日初度武昌院中作

六十還過二依人只自悲雌辰慙正旦垂翼倦南枝
多病荒兒課微生倚幕貲祇應婚嫁畢瓢笠任吾之

春日病臥武昌院中西閣曉望

一山叢樹碧龍從萬井炊煙散曉風春色定淡平野
外客眸只盡短巖中故鄉雲漢猶虛望楚北供輸已

屢空聞道翠華新沛澤蠲租懽舞遍江東

院中春望

衆木已微綠山色晴更佳江天兵氣盡萬里無氛埃
高樓動愁思却下步庭階寸草不知名萌生掩枯荄
陽和噓萬類巨細各盡才緬彼農家子東作庶茲諧
我亦有園田十年荒草萊逝歸把舊耒躬耕遵南陔
播麥供饘粥種秫給糟醅堂上虛無人負米爲誰回
淒然感陽春內熱如焚柴

偶檢笥中故舊書札有感

客中枉素書積久滿筐籬今晨偶檢視不覺涕淚零
平生肺腑交凋喪同晨星筆墨猶在笥笑言隔幽冥
斯文誰共論德義莫與成置書再三嘆愀然熱中情
病起見樓下紫荆盛開有感

經旬僵臥掩牕紗愁擁孤衾聽晚鴉病起偶凭欄檻
望春風開到紫荆花

其二

田家兄弟聚無期忍對媽紅綴滿枝更憶清明墳上
見松林剝蘚暮歸遲

雨夕望家中來人不至

前山叢樹欲棲鴉暮雨凝寒悶轉加漢水來帆遲不
至春風落盡海棠花

聞家鄉及河南諸郡雨雪霑足喜賦

久旱連秦豫欣傳雨雪施計霑粉社日猶是杏花時
郡國還多稼家人庶免飢他鄉緩愁思款款把春卮
鄂幕病中自嘆

多病心無力繁憂氣損真惟應趨隴上豈合滯江津
兒子從荒業家人並累親素餐倚幕府垂老意逡巡

名曰山房詩集
病起三絕句

虛炎作渴促烹茶
彊起巡檐步不賒
厄子素馨乾欲
死呼童汲水看澆花

其二

種種顛毛自厭身
交加橫豎亂蓬新
當軒剃刮消煩
熱小辮停梳已四旬

其三

力怯心彊不耐閒
下樓容易上樓艱
花邊少坐還歸
寢似歷峻嶒一架山

五月初二夜熱苦壁上見月色

不見庚方月回看半壁明
檐深風不度夜久氣難平
虛薄嶺雲斷微茫山樹橫
如鈎非我好弦直任無成

鄂州聞蟬

山樹一蟬鳴客心祇自驚
高雲千里外滾柳故園情
隴麥村村熟香醪細細傾
晚涼場務畢席坐話平生
聞蟬忽憶村居樂事詩
不盡意率筆廣之又成

七言一首

薰風五月下東莊
大麥初收小麥黃
競掃晚場量淨

粒豫防暑雨葺新倉家園杏實交相送罌酒蘆筒代
據嘗馳擔外家來餽問雞雞煨餅喜兒郎

夜熱不能就寢口占

四圍風竝息戶牖枉開張行坐無宜處蚊蟲有底狂
書編皆撥棄美食詎能嘗揮扇仍沾汗祛煩祇浴湯
氣衰難假寐脾弱畏寒漿檻倚寧舒促月明欲丐涼
樓高偏近日檐迴屢移牀陰洞吾園在閒眠久不忘

暑夜

中夜苦蒸鬱深檐似甌窰帳踈蟲嚼臂汗污簟粘泥

不寐聽宵漏求明怨曙雞臥看雲白處落月在樓西
院中風興示兒謙

六旬過二乖罷癡眼花心弱兩耳聾生計未成歸不
得託身幕府等在公病痾偃臥四十日百端曠廢慙
朝饗楚天未明先衆起坐俟盥沐補前工林鴉初散
飛未遠海日微射高雲紅中丞季女吾家婦周親不
與常人同貧家婦子竝迎至僕婢多口咸費供吾生
飲食亦有道豈須人言薄自躬用心無所負天地陶
侃運甓何其恭癡兒長大不解事飽食嬉戲耽踈慵

濡毫作歌聊相示勿矜逸誕侮老翁

小妻爲楊夫人邀往北樓納涼坐以待之

遲人獨坐北牕開待得蟾光照石苔遙見雕欄紅映
處下樓燈火半山來

西閣望北樓呈退菴中丞

崇臺複閣近相仍君任高樓最上層
深夜卷簾斜北望粉墻白月綺牕燈

其二

絳霄樓閣近仙都溽濕炎蒸屏若無
綃幕羅帷眠不

得裁雲初製碧紗廚

其三

重檐雕檻瑞煙籠侍立還如見小童
知是綺筵方會食齊絜櫻拂颺高風

其四

席冰饌玉踞嶠嶢輪扇生風暑氣消
本是神仙親眷屬署居同得倚雲霄

己巳仲夏武昌喜楊立三明府來至
卽值明府

奉誕述懷兼贈

契濶三時久趨庭忽到來每縈秦塞夢曾寄武昌梅
行篋添詩卷賓筵捧壽杯他年民社重美錦並新裁

其二

令妹吾佳婦來歸未及笄憐深同弱息書蚤報山妻
豫擬延宗祧先教慰耆鯢可知分宅相似舅已端倪

其三

藥裹無時置寧徒厭蹇屯經年半牀榻淹臥費朝昏
筆墨塵常積勤勞意祇存舉家依幕府垂老愧饔飧

其四

孝友君家最雍和致百祥福原連好德名已接高堂
著作千秋永婚姻五世昌施松成兩好門戶藉輝光

武昌久早晨朝祈禱卽日甘雨大沛口占呈楊

中丞

微風急雨下陂塘楚北全應築稻場天遠偏能如響
答中丞侵蚤始拈香

其二

半空雷電萬重雲天澤由來爲使君萬戶不知功德
自但燃明燭拜高旻

谷口山房詩集
其三
大旱爲霖更不疑，馮彝若與有前期。明明天意從堪識，雨雪曾霑繫纜時。

其四

四知三惑本家傳，潔操何心爲衆先。屬吏無貪農不擾，况逢滂沛渥山田。

其五

民窮穀貴賦難任，竟日滂沱百萬金。齊祝阿衡及蚤入，彌成一德享天心。

其六

銀河誰挽瀉顛狂，福澤應同楚澤長。洛社漫圖文潞國，荊州方倚段文昌。

雨後夜涼燈下獨坐有感

一雨風涼延永夜，六旬衰病送餘生。青山歸老終遺世，白髮依人耻近名。文字嘔思心力盡，妻孥羈絆道緣輕。拋除塵累應須蚤，莫把殘膏潤短檠。

武昌院中小寓捐置露臺自解

方丈平臺散十金，少離局促豁煩襟。病侵那計依官

署身老誰能待故林種竹子猷圖在眼贈園杜甫戀
何心顛毛垂白貧增甚不望豐資買碧岑

伏日

楚天連雨炎蒸失清爽頓忘初伏日主人供肉庖細
割小妻同餐恣饜足宴坐寧獨喜涼風陂塘遍滿卜
歲豐香秔堪飽秫堪釀千門萬戶歡聲同飲啜人供
不用錢此邦穀賤食亦安故鄉禾黍今何如五旬未
得西來書家中食指窮無告不望肥甘望脫粟

寓中露臺落成漫題

柱頭着實上寬平遮蓋無庸愜衆情只有東偏微障
礙中天華月自虛明

露臺初成登坐延眺

樓居已自離塵埃更鑿雕欄接露臺乘興便過成遠
眺四圍風色趁人來

其二

黃鶴樓高表郡城累如螺髻壓江平凭欄喜對仙人
蹟夜半應聞鐵笛聲

其三

波光倒射白雲間
雉堞周遭鏤碧環
平對漢陽樓直
望隔江遙見鳳凰山

露臺夕坐納涼

百尺高樓接露臺
乘涼閒看鳥飛回
西雲愁見紅仍
在凍雨須防夜
突來江上清風原灑落
斗間明月故徘徊
憑虛信美非吾據
坐憶茅堂蔭綠槐

雲

夕陽落盡收殘紅
青雲上出白雲中
初如一握漸高
大突兀變幻成山峯
本根微細巒壯濶
當前直拆二

芙蓉須臾競起難
紀數紛紜輪囷姿態重
或如象馬
或老翁磊砢塊壘中
玲瓏赤帝夜游鞭
虬龍凌霄舒
轡乘輕風縱橫大小紛
相從森如扈從行
春容嗟爾出岫何匆匆
不爲霖雨福群農
文彩瑰竒枉自工
終然氣化沒長空
胡不悠然返山嶽
還爲元氣無始終

新月

初月破輕燿生明細
可憐暗升殘日後
高挂畫樓邊
總使如鉤曲終能似鏡圓
從今添夜坐每看到中天

蘭

幽香遠度出簾帷
身坐花邊迴若遺
生避當門真自好
僻耽深谷柰人知
楚臣九畹滋還得
燕姑中宵夢未遲
畫閣朱欄淡護惜
象牀烏几總相宜

高壁

樓外崇高疊院墻
水光山色碍難望
却延斜月留虛白
偶觸迴風送小涼
北壁繁花香卉木
東隣喧雜自堂皇
平臺新架連華棟
攬勝凌虛總不妨

茉莉

茉莉生南國
開當盛暑天
露宜新浴後
摘向晚風前

羅幕圍香重
磁罌插架圓
佳人亞粧髻
芳著綠雲邊

他日

芳蘭當坐側
茉莉置庭階
幽喜通書幌
香竄上寶釵
故鄉移不活
南國暫相諧
他日蓬蒿徑
終能稱素懷
六月十二夜
苦熱露坐忽
得游雲子手
札並爲我繪
成小像十二
頁晨起方能
展閱率筆賦

謝

日沒雲盛怒
飄風到前山
千林葉亂舞
有如波浪翻
雷電自東北
漸趨天南端
蘊崇氣蒸溽
流汗若湯泉

故人遺書札封識兼緗統忍暑然明燭把讀難終篇
晨起喜微雨啓視就踈欄東紈疊尺幅灑墨及丹鉛
展閱見老醜儼坐明鏡邊鄙事多見收一一形神傳
讀書憑烏几顧曲停金樽山間杖獨曳硯北茶試煎
客至對圍碁機忘聽撫絃吟詩茅店月踏雪山橋煙
逐走偶聯鞞攝息凝三田生平諸妄作歷歷還目前
少壯誠樂此涉獵非精研自從入塵網坎壈日相纏
彈指若未久倏忽三十年磨滅成懶惰撥棄無半存
惟餘一牀書相依過晨昏辱君無遐遺卽事感慨繁
精力雖不莫逮意興欲騰騫把筆及早涼絮絮攄衷
言君實倦遊客我亦畢嫁婚毋爲生事累徒被妻孥
牽相期寶餘息同結山中緣

同年莫大岸明府以古風一篇惠贈兒謙答謝

明府遺古風鬱律見深厚古色出鼎彝灑灑氣成山阜
兒子豚犬耳頑鈍故無偶那承父執教虛長好身手
謬引王安豐珠玉混瓦缶望深擬非倫使我顏增忸
惟應把君詩永言奮衰朽運澆風氣濁作者雖多有
相競趨清新刊松反植枸豈知閤然章泰山視培塿

谷口山房詩集
流俗吾未免先進君獨守秋實與春華得一休忘九

隣院楮樹結實垂當我牖紅鮮可愛偶題

墻頭楮樹綴婆娑鏤碧垂紅映鬢皤類似楊梅含景
麗功方荔子益人多易生南北皆宜土蕃實勻圓且
戀柯最是乳漿合金石橫來斤斧柰渠何

己巳六月廿二日立秋酷暑

秋來三伏半夏待一旬終空望微涼至依然酷暑攻
逼人墻上日引熱扇頭風結想峩峩頂陰崖雪未融

朱悔人詩律屢進漫紀四絕句即呈悔人

荆南初見把君詩詰曲嶽峯費解推却闢巉巖開道
路籥雲掣電更無羈

其二

竟陵重得誦高吟工力居然大雅音七律最難屏卑
弱長城猶見古人心

其三

近代風顏競巧新誰將象服辨宮嬪邢家自有真丰
致不在塗朱點翠頰

其四

谷口山房詩集
出門交讀五車書帝里歸來進學餘古體漸教親漢
始聲情覺已到黃初

六月廿八侵曉帳中看月

缺月未全晦一鈎似蛾眉五更天未曉挂我樓東陲
帳中回首望乍疑生明時纖纖劇可愛儼對婉孌姿
人情惡虧落羣焉忽衰遲昏昏睡夢中誰能鑒賞之
匪息胡由生清光矧在茲晚景應自好毋爲希世知

頌扇

琢磨青筠骨帖平玉楮張半輪攢輻細缺月簇弦長

卷舒隨手得動搖微風颺久旱天地赤夜熱酷莫當
羅幃成綈室流汗比傾漿高空施釜甑倒垂蒸下方
星辰繁櫛比素籥深閉藏肌骨懼融灼枕簟如炙牀
就暱儼投燎氣塞心茫茫起坐搖素扇自昏達晨光
手腕敢辭憊且得救沸湯譬彼如熨室孔邇見周王
又如火輪下法乳予清涼誓將奉懷袖寒暑永不忘

暑夜喜雨

不謂西山雨深宵肯到東却從露臺上移宿畫樓中
筍席明孤電羅幃入遠風清涼甦病暍始覺有微躬

名曰山房詩集
秋夜大暑帳中作

早久乖節候仲秋暑更滋中夜無寧睡及側生煩思
搖扇手腕酸暫寐刻未移氣塞還復醒流汗若雨施
璧月射樓中光明比晨曦歷歷吏籌轉漸近鷄鳴時
輕風來北牕微涼透羅幃朝氣甦鬱溽虛衷何清癯
百爲未萌動儼與吾性期慎茲平旦氣何以保無虧
雖無爲善力寸心常孳孳

鄂州仲秋日送劉仲雅西歸卽之河西補歲薦

考試

送爾西歸去高秋振羽翰煩疴應盡已懷抱故須寬
首路蟾光炯還家菊露溥絳紗從此擁遠道莫辭難

其二

道遠行良苦河西我舊遊風流剩蘭水魚米富甘州
過隴山無盡臨洮硯可求倘逢班定遠莫便艷封侯

老態自嘲

清醇祇好唇霑味美艷空如眼盼花譬似貧人看節
會追歡載貨羨隣家

其二

山水登臨難濟勝詩文徵逐亦勞思人間樂事都非
分惟有深巖養拙宜

楊中丞避暑洪氏池亭泛舟荷蕩卽事

楚王臺畔小湖鄉仙眷秋同上野航白水涵城搖巨
堞青荷炙日送輕香便遺暍病乘餘興更倚微風到
夜涼想像功成歸少伯煙波無礙下錢塘

從楊中丞避暑城東南隅洪氏湖亭中秋不返

代小妻望歸

良人避暑藕花邊獨倚高樓望遠天秋色半過三五

夜平臺辜負月華圓

其二

涼風入幕半牀虛咫尺空令感索居懷袖未應擲團
扇池亭忍見落芙蓉

其三

白露橫階桂葉黃秋衣疊寄向橫塘院中連夜知寒
冷切恐湖風太劇涼

其四

歲歲逢秋念遠征今年相隔在同城知君畱滯因人

在無那良宵感倍生

中秋武昌洪氏湖亭

西閣寧吾舍湖亭且滯畱悠悠成久客忽忽又中秋
接座仍傳竽閨人獨倚樓明蟾歲相習隨處照離愁

